


# KOLOBETŠO YA

## MOYA WO MOKGETHWA

 Ka kgonthe ke thabile kudu go bona ba bantši bjalo ntle bošegong bjo, ka morago ga go le swarelela go fihla bošegogare bošego bja go feta. Ga se ke nagane bohle le tla ba ntle lehono, eupša go itaetša eke le ya go tla ntle go sekolo sa Lamorena, gomme seo se lokile kudu.

<sup>2</sup> Bjale re a ithuta le go leka go no tšea nako ya rena godimo ga Thuto ye ya kereke. Gomme ke no E ruta. Gomme bjale, go ka no ba basetsebjje ba bangwe le rena, seo ga ke tsebe. Ga ke fa ka tabarenekeleng go lekanela go tseba ke bomang ba lego maloko a kereke. Eupša ke tsebišitše gore se e tla ba feela go maloko a kereke. Gobane, ka ntle, batho ba ne dithuto tše dintši tša go fapana bjang, le go ya pele. Gabotse, gomme, ba dumela dilo tšeo. Ba rutilwe go di dumela. Gomme—gomme—gomme gona ge o etla ka go kereke ye nngwe, mohlomongwe, le go ruta se sengwe kgahlanong, gabotse, gona ba a nagana, “E re, ga ke kwane le Seo.” Le a bona? Gabotse, ga re re re nyaka go ba makgwakgwa goba go gobatša e ka ba mang, lebaka re dirago se. Bjale, o dumela e ka ba eng o ratago. Eupša rena re . . . Ke bea se, gomme ke swanetše ke e dire ye maatla kudu, gobane re swanetše re e rebethelele fase. Se ke seo tabarenekele ye e se emelago, le a bona, feela seo re se emelago fa. Gomme, ka tsela yeo, re ka se nyake le kwe le kgopišitšwe le go nagana gore re be re leka go le gobatša mo tumelong ya lena, goba e ka ba eng go swana le seo. Ga se yona le ga nyane. Gomme se ke . . .

<sup>3</sup> Re dira se e ka ba mengwaga ye mengwe le ye mengwe ye mebedi goba ye meraro, go dikologa fa, le seo re se emelago, feela thuto, seo re se emelago, le gobaneng re e dira. Ke eng, gobaneng re dumela Ye. Gomme kafao ge go ne basetsebjje fa yo e sego mo—mo moleloko wa kereke, ka kgonthe re thabela go ba le lena go dula ka gare go kahlaahlo ye mosong wo le gape bošegong bjo.

<sup>4</sup> Gomme, gona, Laboraro go tla thoma khampheine ya mehleng ka kopanong, ke ra go re, ka tabarenekeleng fa. Gomme ke be ke se gona nakwana, go go khutša go gonnyane. Ke bile ka kgonthe, go lapa ka kgonthe, gomme ka swanelwa go ya kgole, go khutša nakwana. Gomme ke sa tšo bowa morago, ke ikwela bokaone, ke ikwela go makatša. Gomme kafao ke tla be ke sepela gape, ka bjakobjako ge se se fedile, gomme nka se bowe gape go fihla Janaware. Ga ke ye go dikopano e ka ba dife; ke no ba ke eya kgole, go tšwelapele go khutša moo ke bego ke le ka go gona.

<sup>5</sup> Eupša, ge re etla ka gare, re hweditše kereke e le ka go mokgwa wa go nyama gannyane fa le fale, gomme ba bangwe ba maloko ba thomile mokgwa wa go ba bolelo gannyane, go gogela kgole, ba swere bonaba kgahlanong le yo mongwe go yo mongwe, le go ya pele ka mokgwa woo. Ke ile go dikologa, go tloga go yo motee go ya go yo mongwe, go fihla re hwetša se se otlototšwe godimo bjale. E lokile yohle. Le a bona?

<sup>6</sup> Gomme ga go ne sa phošo. Go be go se ne sa phošo le go e ka ba ofe wa maloko. Ba yo mongwe le yo mongwe banna le basadi ba bakaone. Ge ba ka no lemoga gore yoo ke diabololo, a tsena magareng ga batho. Yeo ke nnete tlwa. Ga se batho. Ge o ka dira ngwanešu a bone seo, gona a ka se sware bonaba kgahlanong le moisa yo mongwe. O na le . . . O tla—o tla kwa gampe. O tla kwa o ka re, “Gabotse, yeo ke . . . Ke kwela ngwanešu wa ka bohloko.” Le a bona, ge e ba a dirile phošo, gobaneng, e be e se ngwanešu. E be e le diabololo yo a dirilego seo.

<sup>7</sup> O re, “Gabotse, mothaka yo o dirile *sa gore*, selo *sa gore*.” Ngwaneno ga se a dire seo; kgaetšedi wa gago ga se a dira seo; yoo e bile diabololo a tsene ka go bona, yo a e dirilego. Kafao o se be ngwanešu molato, kgaetšedi; bea diabololo molato, ke yena yo a e hlotšego.

<sup>8</sup> Gomme kafao bjale ka go Dithuto tše tša kereke, bjale, di ka no ba go se tsebalege kudu go lena. Di ka no ba gore ga le dumelane le tšona, le gannyane. Eupša re no . . . Ke seo re se dumelago. Re a e dumela gobane gore e ka Beibeleng, gomme re e ruta ka tsela yeo.

<sup>9</sup> Bjale, bošego bja go feta, hlogotaba ya rena e bile: *Gobaneng Re Se Kereke Ya Leina?* Bjale, ke rena mokgatlo gobane ke rena kereke, eupša ga se rena kereke ya leina. Gomme ke be ke efa mabaka gobaneng re se kereke ya leina.

<sup>10</sup> Bjale, bjalo ka ge re butše kahlaahlo mosong wo, pele re dira bjalo, a re rapeleng.

<sup>11</sup> Morategi Modimo, ke ka Bogoneng bja Gago bjo Bokgethwa fao re tlogo gape go kgopela tlhwekišo ya dikgopolo tša rena beng, disoulo tša rena, gore re itliša renabeng go Wena bjalo ka sedirišwa seo O ka šomago ka go sona, gomme go kgabola, go letago la Gago mong. Gomme, Tate, hlwekiša dikgopolo tša ka, le monagano wa ka, le go bolela ga ka, gore e se be nna a dirago polelo; eupša Moya wo Mokgethwa o ke o tlotše dipounama, le tša letsopa, gore e kgone go tšweletša Ditherešo gore Modimo Ramaatlakamoka a tle a be le Kereke ya Gagwe go tseba.

<sup>12</sup> Gomme re tla go Go kgopela, gona, Morena, ge O ka dira seo, gore O tla gomiša morago letimone le lengwe le le lengwe la—la bothata, le letimone le lengwe le le lengwe la bonaba le maanomabe, kgole go tloga go batho, gore ba tle ba kwe Moya wo Mokgethwa o bolela, gore Modimo a amogele letago go tšwa go kgobokanong mmogo ya rena mosong wo. Gomme ge go ka ba

selo se tee ka dipelong tša rena seo se sa no bago ka seemong tlwa, fao O ka go bolela le rena, O Modimo, e lahlele kgole go tloga go rena, bokgole bjalo ka ge Bohlabela bo le go tloga go Bodikela. Ka gore, re tla tseba feela thato ya Modimo, go dira. Kafao re etepele ka Moya wo Mokgethwa wa Gago, ka go kahlaahlo ye e tlogo godimo ga Kereke le Thuto ya Yona, le seo E swanetšego go se emela, le gobaneng E swanetše go emela seo. Ka gore re e kgotela ka Leina la Jesu. Amene.

<sup>13</sup> Bjale, mantšiboeng a go feta re be re efa mo–mo mogopolo wa gobaneng re se kereke ya leina ye e kgotlofaditšwego. Gomme re . . . Feela maithekgo a manyane go se. Ke gobane re hwetša, gore, ka go kereke ya leina, e thala mollwane.

<sup>14</sup> Bjale, re na le dilo tše dintši go ahlaahla. Gomme re e ahlaahlile, gobaneng re sa amogele badiredi ba basadi ka kerekeng, bošego bja go feta.

Gomme mosong wo re nyaka go, hlogotaba, ge go kgonega: *Kolobetšo Ya Moya Wo Mokgethwa*, gomme gobaneng re dumela go kolobetšo ya Moya wo Mokgethwa, le ka fao kolobetšo ya Moya wo Mokgethwa e tlogo, le seo O se dirago, le ka fao O go dirago o itshware morago ga seo.

<sup>15</sup> Gomme gona bošego bja lehono, ge Morena a ratile, ke nyaka go bolela go hlogotaba, “Peu ya sephente, ya se mo letšatšing le.” Bjale, batho ga ba dumele go peu ya sephente, eupša ke Lengwalo. Le a bona? Bjale, go sa tshwenyege ka . . .

<sup>16</sup> Bjale, se, ge nka dira se se be thata ka kgontho, ga ke e re bjale go lena—go lena batho barategi. Selo se nnoši ke lekago go dira ke go e kokotela gare, gomme re ya go e dira makgwakgwa, le a bona. Kafao o swanetše go bolela go swana le . . . O re, “Johnny, eya o dule fase,” a ka no se theeletše seo. Eupša o re, “Johnny, dula fase!” Johnny o tla fa šedi kudu go seo. Kafao bjale re ya go goeletša, “Johnny, dula fase,” mosong wo. Le a bona? Go lokile. Ke nyaka go e bolela gore le tle le kwešiše seo re se rago. Le a bona?

<sup>17</sup> Gomme ge re bolela se sengwe seo se lego kgahlanong le menagano ya lena, le go dumela ga lena, ga re selo se tee . . . Elelwang, gore, ka go kereke ye e le boakaretša dikereke, re dumela gore Mobaptist, Momethodist, Mopresbyterian, Molutheran, Mokatoliki, Moprotestant, Mojuda, e ka ba eng a lego, ge feela a le ngwanešu, ke ngwanabo rena, ke ka moka, ga go tshwenye ke wa kereke ya leina efe. Modimo a ka se tsoge a e swara kgahlanong le yena, go ba ka go kereke ya leina.

<sup>18</sup> Eupša, lebaka dikereke tša maina di le gona. Bjale, sese seo se thomago dikereke tša maina. Modimo o tla utolla selo se sennyane go yo mongwe, gomme ba tla tla le go dira kereke ya leina go dikologa go dumela moo ba nago, gomme morago Modimo ga a sa kgona go šuthela pejana go itšego.

19 Mamethodist a kgona bjang go tsoge ba amogetše se sengwe gape go feta modiro wa bobedi wa mogau? Ba dirile kereke ya leina ka bobona ka fase ga seo. Mabaptist a ka kgona bjang go tsoge ba dumetše se itšego gape go feta seo ba... “Baloki...” Goba, Molutheran, a ke re, “Moloki o tla phela ka tumelo.” Ke seo ba dirilego kereke ya leina ka fase ga sona. Mabaptist a ka kgona bjang go ya pejana go itšego go feta ba yago? “Gobaneng, ge o dumela, o amogela Moya wo Mokgethwa. Le go karabetšwa ka meetseng, gomme seo se a e fediša.” Gobaneng? Seo ke se ba dirilego kereke ya leina ka fase ga sona. Le a bona? Gobaneng e le Pentecost e dumela, gore, “Ge o bolela ka maleme, o ne Moya wo Mokgethwa, gomme seo se a e fediša?” Gobane ba dirile kereke ya leina ka fase ga yona. Ngwanešu, tšona dilo di ka no ba, ye nngwe le ye nngwe, di lokile, eupša Modimo ga se a tlamelelwa go kereke ya leina ye nnyane ye itšego. O no phuruloga godimo ga selo ka moka, yeo ke ka moka. Gomme—gomme re—re dumela seo.

20 Gomme leo ke lebaka leo re sa nkego ra ba kereke ya leina. Morena o re file monyetlabotse go kopanya kereke ye nnyane ye ka go dikereke tša maina tša go fapana, eupša ga re e dire. Gobane, re nyaka go dula feela go swana le se gore e kgone go ba ka fase ga bobuši le bohlogo bja Jesu Kriste. Yeo ke nnete. E ka ba eng A re utollego, gomme re a bona gore ke Therešo, gomme e mothalo godimo le Lentšu la Gagwe, tsela yohle morago le pele go kgabola Beibele, gore ke Therešo, gomme Moya o a dumelana go yona, ga re na mellwane ya kereke ya leina go re thibela go amogela Seo. Re ya pele thwi ka go Yona, le go hlabela pele thwi.

21 Gomme kafao ge kereke ya leina e bolela se, go swana le church of Christ, ba ka fase ga kereke ya leina, e bitšwago Church of Christ, gore, “Matšatši a mehlolo a fetile, le dilo tše tšohle go swana le tše.” Gobaneng, ke kae o ka tsogego o hwetša seo ka Lengwalong? Eupša ba ka se kgone go dira selo gape ka yona. Ba dirile kereke ya leina ka fase ga seo, le a bona, kafao ga se gona o ka go se dira mabapi le yona.

Eupša re nyaka go lokologa, fao re ka no go sepela bjalo ka ge Moya o re sepediša, ka mabotebo a go teba kudu le mabogodimo a godimo kudu, le go no tšwelapele go hlabela pele, le pele, le pele, le pele, le pele, le pele, feela mogongwe le mogongwe.

22 Eupša bjale re ka se amogele bohlanga bjo bo itšego. Re thala mothaladi fao thwi. Ge yo mongwe a hwetša se sengwe se sennyane Morena a mo utollego, gomme ga e nyalelane le Beibele ye, go theoga go kgabola Beibele go tloga go Genesi go fihla go Kutollo, e ba thuto, gona re ka se e amogele. Le a bona? Swanetše e tle go tšwa go Beibele. Gomme e ka se no ba ka kutollo ya yo mongwe. Ge kutollo e nepagetše le Lentšu, go lokile.

23 Monna o tla go nna, nako ye e rilego ya go feta, gomme o rile, “Ke no tla go Dinaga Kopano, Ngwanešu Branham.” O rile, “Bjale, ke tlwaelane le kgaetšedi yo mongwe wa Mokriste, gomme,” o rile, “kgaetšedi yo wa Mokriste e be e le yo mongwe wa basadi ba go ratega kudu. Eupša,” o rile, “ba ile ba hwetša gore o bile le banna ba bararo goba ba bane. Gomme,” o rile, “yeo—yeo, thwi mola ke mo tsebile, ge e sa le ke eba fa dikgwedi tše tharo, o tlogetše yo mongwe yola gomme a nyalana le yo mongwe.” Gomme o rile, “O bile le Moya wo Mokgethwa, o boletše ka maleme ka go felelela dinako tšohle, kgafetšakgafetša, gomme,” o rile, “o file diprofeto le kutollo.” O rile, “O be ka kgonthe a le mosadi wa go tlala ka Moya. Gomme o be a le modiredi wa mme.” Gomme o rile, “Ke ile gomme ka botšiša Morena, ‘Gobaneng selo se *sebjalo-le-bjalo* se swanetše go ba? Gobaneng go le gore mosadi yo a ka kgona go dira sa go swana le se?’” Gomme o rile, “Ke bile le toro ka mosadi wa ka. Gomme mosadi wa ka o be a ratana le monna yo mongwe, seo e lego bohlaswa. Gomme ka nako yeo,” o rile, “o tlile le go kotama fase kgauswi le maoto a ka gomme o rile, ‘A o tla ntshwarela go seo ke se dirilego?’” O rile, “Kgonthe, ke a go swarela.’ Gomme o rile, ‘Gobaneng o ntshwarela ga bonolo bjalo?’ O rile, ‘Gobane ke a go rata.’” Gomme o rile, “Morena o boletše morago mo torong le go mpotša, gore, ‘Leo ke lebaka Ke mo swarelago, ke ka gobane Ke a mo rata.’”

24 Ke rile, “Mohlomphegi, toro ya gago e bile e bose ka maatla. E bile e botse ka maatla, eupša Morena ga se nke a go fa toro yeo. Ga e dirišane le Lentšu la Gagwe.” Yeo ke nnete. E ka se šome le Lentšu la Gagwe. Ga go tshwenyega e bonala e le kgonthe bjang, e swanetše go tla go tšwa go Lentšu.

25 Go Testamente ya Kgale, ba bile le ditsela tše tharo go tseba molaetša. Ya pele, kgonthe, e bile molao; ya go latela, e bile ka moprofeta; ya go latela, ke ka molori. Bjale, molao o be o le dilo tšeo di ngwadilwego di bego di bolokilwe ka gare ga areka, gomme yeo e be e le ditaello le melao go ditaello. Gomme ka morago moprofeta a ka profeta, goba molori a ka lora toro. Yeo, Modimo o šoma ka bobedi bja ditsela, ka baprofeta le ka ditoro. “Ge go ka ba le yo mongwe magareng ga lena a lego wa semoya, goba moprofeta, Nna Morena ke tla itsebiša ka Bonna go yena ka—ka—ka—ka ditoro, gomme ke tla ikutolla ka Bonna go yena ka dipono. Gomme ge seo a se boletšego se phethagala, gona le mo kwe, ka gore Ke na le le yena. Ge e sa dire, gona le se mo kwe.”

26 Bjale, ge ba tšere yo a profetago, moprofeta, goba molori, gomme (bona) o bile le toro goba seprofeto, gomme ba nyakile go hwetša ge e ba seo e be e le therešo goba aowa, ba mo tšeeše godimo go seo se beditšwego Urim Thummim.

27 Bjale, ke a tseba gore e ka no ba, go ba bangwe—go ba bangwe ba lena, lentšu le lethata gannyane. Eupša seo e bego e le sona, gabotse e bile. . . Arone a bile moprista mogolo godimo

ga me—me meloko ye lesomepedi ya Israele, o bile le matlapa a tshela ka lehlakoreng le lengwe le le lengwe la sephemasefega. Gomme letlapa le lengwe le le lengwe e bile letlapatswalo la moloko, go swana le moloko wa Juda, moloko wa Gada, moloko wa Reuben, moloko wa Benyamini. Wo mongwe le wo mongwe o na le letlapatswalo. Gomme gona letlapatswalo leo . . . Le tla be le lekeletše go ye nngwe ya dipolata ka kerekeng, goba lebotong. Gomme gona ge ba tlišitše moprofeta yo yoo a bilego le seprofeto seo a rilego Morena o be a ile go dira selo tsoko, gomme ba mo tlišitše pele fale, gomme o boletše seprofeto sa gagwe, goba o boletše toro ya gagwe. Bjale, ge Modimo a be a le ka go toro yeo goba ka go seprofeto seo, ona mabone a thoma go tswakana mmogo le go dira go swana le mmala wa molalatladi o bonatša, karabo ya Ka godimo ga tlhago. Le a bona? Yeo ke nnete. E kwana le letlapa le lengwe le le lengwe ka fale, letlapa le lengwe le le lengwe le menaganela karolo ya yona mmogo, go tšweletša morago le karabo ya Modimo, “Monna yola ke moprofeta. O bolela therešo.” Goba, “Toro yeo e rometšwe ke Nna.” Eupša ge e no ema tuu gomme e sa šikinyege, ga ke tshwenyege e bonala bokgonthe bjang, e be e fošagetše. Ba be ba sa e amogele.

<sup>28</sup> A seswantšho se se botse lehono. Bjale, Urim Thummim ya Testamente ya Kgale ga e sa dirišwa, ka gobane e fetotše maboprsta. Bjale Urim Thummim ke Lentšu la Modimo, Beibele. Ee, mohlomphegi. Ka fa, Beibele e rile, “A ke lentšu la motho yo mongwe le yo mongwe e be maaka, gomme la Ka e be therešo.” Gomme ga go tshwenye ka fao le bonagalago bokgonthe ge motho a le bolela, goba ka fao toro e lego kgonthe ka gona, goba kutollo ya gagwe e lego, ge eba e, Puku ye nngwe le ye nngwe ka go Beibele, Beibele ka mokamoka, e sa tšweletše seetša go Lona, gore ke Therešo, e tlogele e le noši, e tlogele e le noši.

<sup>29</sup> Bjale, o ka tšea seripana se sennyane sa Lengwalo fa, gomme wa re, “Jesu o dirile *sa gore-le gore* gomme re swanetše go dira sa go swana,” o ka le dira Le bolele e ka ba eng o nyakago go le dira Le bolele. Eupša e swanetše go tla tsela yohle go kgabola le go ema godimo ka phethagalo le Lentšu la Modimo, gona e lokile, ke Modimo a bolelago bjalo. Ye ke Urim Thummim ya Gagwe.

<sup>30</sup> Kagona, Modimo ga se nke a dira, go lebaka le itšego, a ba le dikereke tša kereke ya leina. O mpotša e bile neng. Gomme, bjale, ga se nke gwa ba le kereke ya leina go fihla mengwaga ye makgolo a mararo le masometshela ka morago ga lehu la morutiwa wa mafelelo. Yeo e bile kereke ya Katoliki ya Roma. Gomme go tšwa go . . . Kereke ya Katoliki ya Roma, Modimo o mmiditše, ka Beibeleng, Kutollo 17, “seotswa.” Yoo ke mosadi wa go se hlweke. Gomme go tšwa go seo, o bile le barwedi, gomme barwedi bao ba bile bommalegogwana, ba go se hlweke go swana le ge a bile. Seo ke se Lengwalo le se boletšego. Gomme kereke ya Katoliki ya Roma e belege Boprotectant bjohle, gomme ba boetše morago thwi le go dira sona selo sa go swana seo a se dirilego.

31 Gomme lebaka leo a bilego wa go se hlweke, o bile le komiki ya dithuto ka seatleng sa gagwe, beine ya kgalefo ya gagwe ya mabootswa a gagwe. Gomme o e file magoši a lefase, gomme o dutše godimo “ga meetse a mantši,” le go rena godimo ga babuši ba lefase. Re hwetša seo bjalo ka Beibeleng. Re hwetša gore o be a swanetše go be a dutše godimo ga dithaba tše šupa, kereke. Re e hweditše. Re hwetša gore o be a rwešitšwe korone ya go hlatlagana gararo: taolo godimo ga hele, legodimo, le phekathori. Thwi. Gomme ke monna a lego mmuši wa yona; o be a le molwalekriste, a dutše tempeleng ya Modimo, a ipontšha ka boyena ke yena Modimo, a lebalela dibe mo lefaseng. Re bile le sohle se, re e kgabotše le go bona gore e be e nepile.

32 E rile, “Fa ke ga yoo a nago le bohlale.” Re hwetša gore Moya o fela o bolela ka tiišetšo, “Go yo a nago le bohlale; go yo a nago le tsebo; go yoo, meboya ya go fapana, dimpho.” Ga le kgone go bona Modimo a sepetša Kereke yela mo matšatšing a bofelo? Go swanetše go tsoga Kereke e tletše ka dimpho tša semoya, dimpho tša kgonthe tša Modimo. “Fa ke ga yoo a nago le bohlale. A nke a bale dipalo tša sebata, gobane ke palo ya motho. Palo ya gagwe ke makgolo tshela le masometshela tshela.” Gomme re hweditše fao yeo e lego, tlwa. E ka se kgone go ba go phethagala go feta. E ngwale ntle, lena beng, “vicarivs,” yeo e lego motlatša Kriste, “filii” ya Modimo, VICARIVS FILII DEI, gomme le bone ge e sa dire, go dipalo tša lena tša Seroma, gomme le bone ge e ba ga se le hwetše makgolo tshela le masometshela tshela. Bonang ge e ba ga e bee, e sego godimo ga se sengwe gape se tla go fago maseme a goba *ale*, eupša thwi lefelong la go swana fao Lengwalo ka moka le rilego e tla be e dutše.

33 Gomme ke rena ba, Maprotestant, go tšwa thwi ka ntle. Bjale, seo re lekago go dira lehono ke go tliša ntle le go bontšha gore thuto yeo kereke ya Katoliki e e tlišitšego ntle, gomme e dirile, re e amogetše thwi godimo fa ka go kereke ya Protestant. Gomme re fa seo go batho, yeo e lego galase ya go swana ya mabootswa a semoya ao a a filego ntle. Gobane, ga ba Lengwalong. Ke madirwa ke motho. Ke seprofeto sa maaka. Ke maaka. Ke sa diabolo.

34 Gomme gona re hwetša, go ba le boithekgo bjo bonnyane, go bontšha seo, lebaka le re phelago go lona. Gomme e topetšwe godimo bošego bja go feta, gore, ngwa—ngwa ngwana wa go tswalwa e le hlaba, ngwana wa hlaba o be a sa kgone ebile go tsena ka gare ga phuthego ya Morena lebaka la meloko ye lesomenne. Yeo e tla ba mengwaga ye makgolonne; mengwaga ye masomenne go moloko. Sebe se be se šiiša bjang! Go šiiša bjang, e sego go bile, eupša seo se lego sona bjale. Gomme ge seo se bile ka fase ga molao . . .

35 Gomme Kriste o tlile go godiša molao. O rile, “Le kwele bona ba re, bona ba dinako tša kgale, ‘O se ke wa bolaya’; eupša Ke re go lena, mang le mang a befeletšego ngwanabo, ntle ga lebaka,

o šetše a bolaile.” O o godišitše. “Le kwele bona ba re, bona ba dinako tša kgale, ‘O se ke wa dira bootswa,’ yeo e bile tiro; eupša Ke re go lena, mang le mang a lebelelago go mosadi, go mo kganyoga, o dirile bootswa.” O o godišitše, makga a diketekete. Gabotse, ge go tšere meloko ye lesomenne go seo go sesefalela ntle, gona go reng mabapi le ge galase ya go godiša ya Modimo e lahlelwa godimo ga yona?

<sup>36</sup> Gomme batho lehono, batšwamahlalagading ntle ka go dikolo tše di phagamego, ka diphathi tša dipiri, le go nwa, le go phela. . . gomme basetsana ba banyane ba phela bootsweng, bašemane ba banyane, le dilo go swana le tšeo. Ke mohuta ofe wa moloko o tla rotago morago ga wo? Ke eng se dirago basetsana ba banyane ba dire ka tsela yeo? Mamagobona e be e le leodi, kokwagobona o be a le mosetsana wa khorase. Gomme O rile O tla etela bokgopo bja batswadi godimo ga bana le bana ba bana, go fihla go moloko wa boraro le wa bone. Ke eng o ka se letelago gape?

<sup>37</sup> Gomme ge selo ka moka se thoma go dutlela ntle, gomme peu ya moloki e thoma go dula ka thoko, e eba go sesefala le go sesefala. Gomme bakgopo ba no ya pele, ba borapedi kudu, ba no ya pele ba eba bakgopo, le go ba bokgopo le bokgopo, ga se gona go dira ntle eupša go senya selo ka moka go swana A dirile morago fale go tshenyego ya meetsefula. Kgopolo ye nngwe le ye nngwe ya motho e tšwelapele e tletše sebe. Se sengwe le se sengwe motho a naganago mabapi le sona lehono ke lebotlelo la wisiki, goba mosadi tsoko, goba ntle a kitima go rarela, ga ba kgone go phela therešo go basadi ba bona. Bašemane ga ba phele therešo go basetsana ba bona. Basetsana ga ba phele therešo go bašemane ba bona. Gobaneng, ba ka gare ga lefelo leo go fihla diabololo a ba swere go tlamelela bjalo le go tlala ka meoya ye mebe, selo ka moka se fetogile togotogo ya sebe. Ke ka lebaka leo re lego go letšatši. Gomme ke ka lebaka leo Russia e bapalela tlwa ka diatleng tša Modimo, go rothotha selo se ntle ga fa. Beibele e boletše bjalo. Kgontho. Modimo o šomiša bokominisi. O tla bo šomiša. Bokominisi bo tla senya selo ka moka, go ya ka Lengwalo, gomme re go letšatši leo.

<sup>38</sup> Bjale, go tliša dilo tše ntle, le a bona. Theeletšang, batho, le lebane le se. Gomme lena, e. . . Se se swere boyo bja gago bja Bokagosafelego, kafa o se e tšeelo selo se bohwefo. E lebelele ka go u—u Urim Thummim yeo e amago, ka fao e amago Mantšu.

<sup>39</sup> Bjale, ge re bolela ka dilo tše, bona ge e ba di kwana le Beibele, bona ge e ba di ema godimo le seo Lengwalo le se boletšego.

<sup>40</sup> Bjale, kereke ye nngwe le ye nngwe, bjalo ka ge le bolela, “Ke nna Mokriste.” “O wa kereke ya leina efe?” Ke phapano efe seo se e dirago, ke kereke ya leina efe a lego wa yona? Re lemoga gore kereke ya leina ga e dire selo le Beibele ya



Modimo. Gomme dikereke tša maina tšohle tša Protestant ke bommalegogwana. Beibele ya lena e boletše bjalo. Ge o re ke wena Momethodist, ke wena mmalegogwana wa Momethodist. O re ke wena Mobaptist, ke wena mmalegogwana wa Mobaptist. Ge o re ke wena Mopentecost, ke wena mmalegogwana wa Mopentacostal. Ke seo Beibele e se boletšego. Kafao, ke yena, “Mmago bommalegogwana.” Bjale, ge e ba seo ke sohle o nago. . .

<sup>41</sup> Bjale, ge o kopanela ka go kereke ya leina ye gomme efela o le Mokriste, o Mokriste; gomme ga se wena Momethodist, ga se wena Mobaptist, ga se wena Mopentacostal. Ke wena Mokriste. E sego, gobaneng, ebile le. . .

<sup>42</sup> Ke kwele kahlaahlo mosong wo mo seyalemoyeng, ge ke be ke itokišetša go tla kerekeng, go kahlaahlo ye ya go rarelatafola ya Bokriste ye ka Louisville. Gomme dikereke di amogetše lenaneotshepedišo la go ruta bana ba bona go nwa ga sebjalebjaale.

Ke sehlopha sa mohuta mang sa diota re ya go go se tšweletša? Gobaneng e le se? Gobane mamagobona le papa ka gae ga ba tsebe kudu ka ga Modimo go feta Mokgothu a ka tseba ka ga bošego bja Egepeta. Ikileleng go tšwa go selo seo ka moka. Ga se la swanela go dira sebj-. . . go itira lenabeng ba sebjalebjaale. Le dira digatamoroko ge le dira seo. “Oo, re tla mo dumelela a dire se, le go mo dumelela a dire se,” le go ya pele go swana le seo. Le ka letela eng? Re ka se kgone go ya go moloko wo mongwe. Re ka se kgone go e dira. Re mo nakong ya bofelo.

<sup>43</sup> Kafao, ga ke nyake le mpee bjalo ka mohuta wo mongwe wa sephokophoko. Nka no ba ke le; ge e ba ke bjalo, ke no ba bjalo ka. . . ga ke tsebe selo ka yona.

<sup>44</sup> Ke rile go mosadi wa ka a dutše fale. Ke rile, “Meda, a ke fetogile lehlanya la bodumedi? A ke lahlegetšwe ke mogopolo wa ka? Goba, a ke Moya wa Modimo woo o sa kgonego go kgotlelela dilo tšela, woo o lletago ntle? A go na le se sengwe ka fa seo se ntirago ebile ke ye go thulana le kgopolo ya ka mong, thato ya ka mong?” Ke rile, “Go na le dilo tše tharo di nnoši se ka bago. E ka ba mogongwe gore ke lahlegetšwe ke mogopolo. . .” Ge eba ke gona, ga ke tsebe. Ke wa go tšhoga, motho wa go nyamišega. Yeo e no ba tlhago ya ka. Mpho ya ka e dira seo, eupša, bjalo ka modiredi. Eupša ke—ke nna. . . “E ka ba gore ke lahlegetšwe ke mogopolo wa ka, goba ke fetogile lehlanya, goba ke Moya wa Modimo.” E—e swanetše go ba ye nngwe ya dilo tšeo.

<sup>45</sup> Eupša, nka se kgone go ema go bona dilo, gomme se sengwe ka gare se no goelela ntle. Gomme efela ke a tseba, go ya ka Beibele, seo se swanetše go direga. Gona ke botse bofe e bo dirago go goelela ntle? Modimo o ya go ema bjang mo Kahlolong le go lahlela moloko wo godimo fa ge eba A se ne lentšu go goelela kgahlanong le yona, go tliša kahlolo? Go ya go ba eng Bafarisei,

ge nka be go se be le Johane go goelesa go tšwa lešokeng? Ke botse bofe e ya go go bo dira, ge ke le botša, “Ga se ba swanela go dira se, gomme ga se ba swanela go dira se, gomme ga se ba swanela go dira se, gomme ga se la swanela go dira se. Gomme le swanetše le tlatšwe ka Moya”?

Ba sepela go feta gomme ba re, “O kgaogile hlogo! O a gafa! Se sengwe se mo diragaletše!”

Gabotse, bohlokwa bja go e dira ke eng? Gobane, Modimo o swanetše go ba le lentšu. Swanetše go e bolela, golebja, kafafo A ka kgona go tliša kahlolo, go re, “Sele le bile. Ga o hloke tsebo ka lona.” Yeo ke nnete. Gomme ge o sa llele ntle, O ya go dira eng? Go ne se sengwe se llela ntle, ka go wena. O ka se kgone go e thuša.

<sup>46</sup> Bjale, bjale re hwetša, gona, gore ge re tliša fase selo sa go latela re nago sona fa, go hwetšwa, gore—gore, lebaka re se kereke ya leina. Gomme re dumela gore go ne Bakriste ba go tswalwa gape, batho ba bakgethwa, ka go Methodist, Baptist, Presbyterian, Pentacostal, le eka ba eng. Re dumela gore Kereke ya Modimo ke Peu yela yeo e tswakanego fase go kgabola sekgao se fase go kgabola fa, gomme e tla ka gare ka seo re se boletšego bošegong bja go feta, gomme re tla e ahlaahla go ya pele, kgethelopele. E se gore Modimo o kgethelapele se sengwe le se sengwe go ba, eupša, ka tselopele A ka kgethelapele, ka gore O tsebile dilo tšohle.

<sup>47</sup> Gomme re hweditše bošegong bja go feta gore ga go motho a kilego a phološwa, go swana le bošego bja lehono, gomme ba bile le leina la gagwe le ngwadilwe go Puku ya Bophelo ya Kwana. Leina la gago le beilwe go Puku ya Bophelo ya Kwana pele lefase le thoma, goba ga se nke la ba gona goba le ka se tsoge la ba. Re hwetša, ge Modimo a hlabile Kwana pele ga motheo wa lefase, o hlabilwe le Kwana ya gago. Le dumela seo? Hwetša feela mo motsotsong.

<sup>48</sup> A re retologeleng go Dikutollo, go thoma, Kutollo 17 goba. . . Kutollo 13:8, le go hwetša fa seo Beibele e bolelago mabapi—mabapi le ge eba. . . ge Kwana e hlabilwe. Go bona ge eba E hlabilwe ka A.D. 33, goba A.D. 33, goba ge eba E hlabilwe eng. . . E hlabilwe neng. Go lokile. Bjale, ye ke Dinaga Kopano ka seprofeto fa, ka nnete. Bjale re bala se.

*Gomme bohle ba dulago godimo ga lefase ba tla mo khunamela (Eng? Sebata.), bao maina a bona a se go a ngwalwa ka go puku ya bophelo ya Kwana e hlabilwego go tloga motheong wa lefase.*

<sup>49</sup> Kwana e hlabilwe neng, mengwaga ye dikete tše pedi ya go feta? Mohlomongwe makgolo a dimilione a mengwaga ya go feta. Pele ga motheo wa lefase o ka be wa bopša, Jesu Kriste o hwetše dibe tša rena. Oo, eupša bjale ke tsenwa ke go ba bodumedi. Pele go ka ba lefase, Jesu Kriste o hwile go le phološa.

50 “Gabotse,” le re, “gona gobaneng Modimo, Modimo wa go se be le magomo, a kile a dumelela sebe?”

Le a tseba, go ne ditholwanakgopolo ka go Modimo. Gomme ge Modimo a ka be a sa nke a dumelela Sathane. . . O tsebile, ge A hlola Lusifa, gore o ya go ba yena wa go senya lefase. Oo, Modimo wa rena ga se selo se sennyane, go kgoromeletšwa go tloga go sekhutlwana se sengwe, eupša Ke Modimo wa go se be le magomo Yo a sa nkego a ba le mathomo goba a ka se bego le bofelo. Gomme, ka go Yena, O ka go ditholwanakgopolo tša Gagwe. Ke yena Mophološi. Gomme A ka tsoge a tsebja bjang bjalo ka Mophološi ge go sa nka gwa ba le se sengwe go phološa? Re be re tla tsoge re tsebile bjang. . .

51 Ke ofe a bilego pele? Bjalo ka ge, ke botšiša potšišo. Ke ofe a bilego pele, Mophološi goba modiradibe? Gabotse, ge Mophološi a bile wa pele, gomme Mophološi o godingwana go feta modiradibe, go tšile bjang modiradibe go direge a tsoge a bile? Ge go ka be go se be le modiradibe, o be a ka se tsoge a Mo tsebile bjalo ka Mophološi. Ke ofe yo maatla kudu, mofodiši goba motho wa molwetši? Mofodiši o no tšea bolwetši le go bo fediša. Ke ofe a bilego pele, Modimo goba kankere? Gobaneng, go bile Modimo, pele. Gobaneng A ile a dumelela bo—bo bolwetši gona? Gobane, ge A kgona go bo fediša bjale, A ka be a kgonne go bo dira bo se diragale. Gomme ge A le wa go se be le magomo, O tsebile e tla direga. Eupša gona, ge A sa dire—ge A sa dire, ge go se na bolwetši, gona O be a ka se tsoge a tsebilwe bjalo ka Mofodiši. Eupša go le gore Ke Mofodiši, go swanetše go ba le bolwetši. Le bona seo ke se rago? Bjale, O tsebile dilo tšohle.

52 Bjale, go Kutollo 13:8, theeletšang. “Gomme Kwana e hlabilwe” (Neng?) “pele ga motheo wa lefase.” Modimo ka go monagano wa Gagwe o se nago magomo, a lebeletše fase go kgabola meela ya nako, gomme O bone seo se tlogo go direga, le ka fao A tla swanelago go hlola le go rothela fase ka go nako ye ya sebaka, go gogela ntle seo ka kgonthe A bilego.

53 Gobaneng lena ba bafsa. . . lena banna le nago le basadi, bea mosadi ka tlase ga teko gomme o tla bona seo a dirilwego ka sona. Yeo ke nnete. Bea monna ka tlase ga teko, e tla šišinya lebotlelo ka tlase ga molomo wa gagwe, ge a kile a ba segatamoroko. E tla go botša ge eba o phološitšwe go tšwa go bjona goba aowa. Ge a be a le moferekanyi, a kitima mogohle, mpša ya ditšhila yeo e thubago malapa a banna ba bangwe; a hlobola mosadi tsoko le go thoma yena. . . go thoma mosadi ka yena, gomme e tla bolela seo a dirilwego ka sona. Yeo ke nnete. Kgonthe.

54 Modimo, go bontšha maatla a Gagwe, go bontšha seo A bilego, gore O bile Mophološi, O dumeletše modiradibe go ba gona.

55 Bjalo ka ge ke boletše, Barongwa ba ka opela bjang dikanego tša topollo, mola ebile ba sa tsebe seo topollo e se rago? Eupša,

re kgona go e opela. Re tseba seo e se rago go lahlega gomme seo e se rago go hwetšwa. Ga se nke wa ke wa lahlega, ga o tsebe seo go hwetšwa go se rago. Ke bao ba timetšego, ba tsebago seo go se rago. Ke bao ba bilego le bolwetši, bao ba tsebago go ipshina bjang ka go phelega gabotse ge go tllile. Ke motho yola yo mobemobe yo a sepetšego mekgotheng kua, yo a sa nkago a ba le mogwera, gomme a sa nka a ba le o tee go bea matsogo go mo raretša, gomme a sa nka a ba le motho ebile go ba lebelela le go ba šetša; yoo ke motho yo a tsebago seo mogwera wa kgonthe a se rago, go bea letsogo go mo raretša. Kgonthe, o swanetše go tseba.

<sup>56</sup> Re ka tsoge ra tseba bjang ka fao go thakgalela go hlaba go ga letšatši, ge go ka be go se be le bošego? O be o tla tseba bjang go thakgalela le lebotse, letšatši la go phadima, ge nka be go se be le letee la maru? O be o tla tseba bjang go thakgalela borutho bja go hlaba ga letšatši la selemo, ge go ka be go sa nka gwa ba le marega? Molao wa la go ja le la ngele. Ke ya kgole ga, go rera. Ga ke re go dira seo. Go lokile.

<sup>57</sup> Kutollo 17:8, fao re, feela go motsotso bjale, go bontšha bjale. Kwana e hlabilwe neng? “Pele ga motheo wa lefase.” Go lokile. Kutollo 17:8.

*Gomme sebata seo o se bonego se le, gomme ga se go; gomme se tla rotoga go tšwa go molete wa go hloka magomo, gomme se tla ya ka go tshenyego: gomme bona ba dulago godimo ga lefase ba tla tlabega, bao maina a bona a sa ngwalwago ka go puku ya bophelo go tloga—puku ya bophelo go tloga (neng?) motheong wa lefase, . . .*

<sup>58</sup> Leina la gago le beilwe neng ka go Puku ya Bophelo? Bjalo ka ge ke boletše bošego bja go feta, monna yo a ngwadilego koša, “Go na le leina le leswa le ngwadilwe tlase Letagong, gomme ke la ka, ke la ka,” go hlalošeng o be a nepile, eupša ka Lengwalo o be a fošitše. Leina la gago ga se le ngwalwe bošego o tllilego go Kriste.

Jesu o rile, “Bohle Tate a Mphilego ba tla tla go Nna. Gomme ga go motho a kgonago go tla ntle ga ge Tate wa Ka a mo goga. Bohle ba tlogo go Nna, Ke tla ba fa Bophelo bjo Bosafelego, gomme ka mo tsoša mo letšatšing la bofelo. Ga go le o tee wa bona a timetšego. Ga ke lahlegelwe ke selo, gobane ga go motho a ka go ba utla ntle ga seatla sa Tate wa Ka, Yo a Mphilego bona.” Oo, nna! Joo! Mokgethwa Johane 5:24, “Yo a kwago Mantšu a Ka gomme a dumela go Yena a Nthomilego, o na le Bophelo bjo Bosafelego, gomme a ka se tle kahlong, eupša o fetile go tšwa lehung go ya Bophelong.” Seo ke gobaneng kereke ye e dumela go polokego ya phegelelo ya bakgethwa, e sego ka sebopego sa Baptist, e se go ka sebopego sa Presbyterian, eupša ka sebopego sa Beibele.

59 “Gabotse,” o re, “bjale, Ngwanešu Branham, ke a thanka gatee ka go mogau ka mehla ka go mogau.” Seo se tliša kgobogo ye ntši. Eupša ge monna goba mosadi a tswetšwe ka Moya wa Modimo, dilo tša kgale di ile kgole, dilo tšohle di fetogile tše mpsha, gomme o tswetšwe le go šegofatšwa ke Modimo wa Gosafelego. Gomme ba ka se senyege go feta ge Modimo ka Boyena a ka senyega.

60 A o rata go mpotša gore Modimo, Modimo wa go se be le magomo, a ka tla fase le go go fa Bophelo bjo Bosafelego, a tseba gore O ile go go go loba? Go go phološa fa, a tseba O ya go go go loba fale? O go phološeditše eng? Gobaneng, O šoma kgahlanong le Yenamong. Ge A go phološitše gatee, o phološitšwe go Bokagosafelego gohle. Ga go matimone ka heleng a ka kgonago go go nyamiša.

61 Bjale, Modimo wa go se be le magomo Yo a kgonago go bolela bofelo go tloga mathomong, gomme a go phološa fa, beke ye, gomme a tseba ngwaga wo o latelago o ya go kgeloga, le go go loba? Gabotse, O direlang modiro wa go swana le woo? Seo e tla ba bošilo; ke be nka se dire seo. Ge nka go dira mogwera wa ka lehono, ke tseba o ya go ba sera sa ka gosasa, gabotse, nka se e dire. Ke be ke tla no go tlogela o nnoši. Le a bona? Modimo o go dira mohlanka wa Gagwe, lehono, gobane O a tseba, gomme o tsebile pele o ka be wa be wa tla mo lefaseng. Ge A be a dira khalesiamo yeo e ilego ka mmeleng wa gago, ge A hlotše seetša sa lefase seo o . . . seo se lego ka go wena. Ge dipetroleamo le tšohle tšeo o bopilwego ka tšona, ge Modimo a di hlotše mo lefaseng, O tsebile ntshetlana ye nngwe le ye nngwe ya gago le seo o tlogo se dira. A Modimo wa go se be le magomo a ka kgona bjang. . .

62 “Gabotse, go kaone ke sepele ka tlhokomelo lehono; nka nna ka kgeloga gomme ka lahlega gosasa.” O be o se wa phološwa le mathomong. O ka no ba o thantshetšwe, ka tlase ga maikutlo. O ka no gopola o phološitšwe. O ka no ikwa o ka re o phološitšwe. O ka no dumela gore o phološitšwe. O ka no tšoenana kereke. O ka no ba Mobaptist yo mobotse, Momethodist, goba Mopentacostal. Seo ga se na selo se tee go dira le yona. Leina la gago le ile . . . Ge o ile wa ke wa phološwa, o phološitšwe pele lefase le ka tsoge la thongwa, ge Modimo a romela Jesu, ka mogopolong wa Gagwe, go phološa yola yoo A mmonego a phološega. Bjale, ga A rate gore yo itšego a senyege. Ga a rate, eupša, ge A le Modimo, O tsebile yo a tlogo le yo a ka se go. Lengwalo le bolela bjalo. Kafao ke lena bao.

63 Seo ke gobaneng re fapana le Baptist, Mamethodist, le bao ba bitšwago batho ba go nagana Sekhalebini. Eupša, Sekhalebini se lokile.

64 Gona re ya go tla godimo go lehlakore la Armenian. Ba hweditše eng? Mediro. Tšeo ke dihlopha tša mabokgethwa. Mediro, “Modimo a šegofale, ke tla dumelela moriri wa ka go

golela ntle,” basadi. Gomme, “O, tumiša Modimo, e bile nka se apare hempe ya matsogo a makopana,” monna o tla, le go ya pele go swana bjalo. Seo ga se na selo go dira le Mmušo. Aowa, mohlomphegi. O ka dumelela moriri wa gago go gola botelele, o ka apara diroko e ka ba kae o nyakago go, goba o ka dira *se, seo*, goba *se sengwe*, gomme e ka se be le selo le gannyane go dira le yona. Ga o phološwe ka lebaka la diaparo tša gago. Ge go le bjalo, Modimo o be a ka no dira diphethene tše itšego tše bjalo. Jesu o be a se a swanela go ba a hwile.

O phološitšwe gobane gore Modimo o go phološitše, ka mogau, gomme o dira dilo tše feela go laetša kgahlego. Go hlweka go go tlwaelegilego go tla go botša seo. O dira dilo tšeo go laetša kgahlego. Mediro ke seo ke se direlago Modimo.

<sup>65</sup> Ge nka se tsoge ke rerile thero ye nngwe, gomme ka phela fa lekgolo le masometlhano a mengwaga, ke sa phološitšwe. Kgontho. Ga ka phološwa gobane ke nna moreri. Ke phološitšwe gobane ke mogau wa Modimo wo o mphološitšego. Go be go se selo se tee nka go se dira go lokela seo.

<sup>66</sup> Ke suwilwe kua molaong, gonabjale, go seripa sa ditolaro tše milione. Gomme ba rile, “Gobaneng, o ile godimo. . . Yona ke tšhelete yeo o e tšerego godimo ntle fale, go patela dipili tša gago. E be e le ya gago pele o patela dipili tša gago. O e fetišitše go kgabola kereke ya gago, eupša e be e le ya gago pele.”

Ke rile, “Eupša ga se nke ka dira selo se tee go yona.”

O rile, “Ee, o dirile,” o rile, “o ba boditše gore o tla tšeela godimo moneelo wa lerato.”

Ke rile, “Ke nyaka yo mongwe go mpotša e bile neng.”

“Gabotse, o kgopediša ka poso?”

Ke rile, “Puruputša ofisi ya ka; ga go le peni.”

<sup>67</sup> Le a tseba, Beibele e rile, “Le se ke la eleletša seo le tla go se bolela, ka gore le tla fiwa ka iri yeo.” Gomme ke be ke dutše fale hleng le boramolao ba mmušo, gomme yo mongwe le yo mongwe a ntšubutla gape, go tloga lehlakoreng le tee go ya go le lengwe; gomme nna ke sa tsebe le diABC tša ka. Gomme le banna bale ba ditswerere bao ba katišitšwego go go dira o bolele dilo tšeo ka kgontho o sa rego go di bolela, gona o ka kgona bjang go emelana mabjoko le yo mongwe go swana le yoo? A ka se kgone go emelana mabjoko le Mong wa ka, golebjalo. Lengwalo le le rile, “Le se ke la eleletša ge le tlišwa pele ga dikgoši le babuši.”

Ke a tseba tšhelete yeo ke e tšerego godimo fale, ke e šomišetša go. . . Gomme ga se ba phegiša seo. E be e šomišitšwe feela ka semolao bjalo ka ge e ka ba. Eupša ba rile, “E bile ya gago, pele, gomme morago o e fetišeditše go Tabarenekele ya Branham.”

Ke rile, “Eupša ke nna moswaramatlotlo wa Tabarenekele ya Branham.” Gomme ye. . .

Gabotse, o rile, “Ga ke tseba mabapi le seo. Gona gobaneng bahlokomelaphahlo ba se ba dira se, seo, goba se sengwe?” Se tee. . .

Ke rile, “Gona o mpitšha gore ga ke botege?”

<sup>68</sup> O rile, “Re dumela gore o botega kudu.” O rile, “Ke nyaka go go bontšha se sengwe, Mna. Branham,” ramolao yola.

Ke no ba ke bolela se go letago la Modimo bjale, feela, gomme ka go ikgetha go bafsa. O rile, “Ke nyaka go go bontšha se sengwe, go go bontšha ka fao. . .” Ge o phela ka Beibele, Modimo o tla phela ka wena. Gomme ge moya wa gago o ganetšana le seo Modimo a se bolelago, gona ga o phele ka Beibele.

<sup>69</sup> Le elelwa bošego bja go feta ge re be re bolela ka bareri ba basadi, ge ba re, “Oo, ke dumela Moya wo Mokgethwa o mpiditše go rera,” le go ya pele go swana le seo? Beibele e rile, “Ge monna yo itšego a re ke yena moprofeta, goba e bile wa semoya, a ke a amogele gore Ye ke ditaelo tša Morena; eupša ge a hloka tsebo, no mo tlogela a hloke tsebo.” Kafao ge o ekwa banna ba bolela gore ba dumela go bareri ba basadi, go a bontšha gore ga ba gabotse le Modimo, goba ga ba tsebe Therešo. Yeo ke Therešo. Lengwalo le bolela bjalo. Re e hwetša Fale, gomme se sepedišana le Mangwalo. Bjale, ga go tshwenyeye e bonagala bokgonthe bjang, e kgahlanong. Ga se ya loka.

<sup>70</sup> Bjale, re ya go hwetša se sengwe fa bjale. Hlokomelang. Modimo, Modimo wa go se be le magomo, Yo a dirilego lefase, le magodimo, gomme a tsebile dilo tšohle, gomme a e tsebile pele lefase le ka tsoge la bopša, ntšhi ye nngwe le ye nngwe, letsetse le nngwe le le nngwe, tšhošwane ye nngwe le ye nngwe, se sengwe le se sengwe se ka tsogego sa ba. Gomme o phela ka Lentšu la Gagwe.

<sup>71</sup> Gona, go emeng fale kgauswi le boramolao bale. Ramolao yo o sepeletše godimo fale gomme a re, “Ga re, e ka ba ka mokgwa ofe, re leke go bolela gore ga o botege.” O rile, “O hlokile tsebo ya ntlha gore ge mang kapa mang a go fa tšhelete e bile ya gago pele.” O rile, “O saenne tšheke go tšwa go Mna. Miner Arganbright, go tšwa—go tšwa California, wa Christian Business Men’s Full Gospel Fellowship, go *bokaalo* bja dikete tša ditolara. Gomme letšatši la go swana o e ntšhitše pankeng ya gago gomme wa reka dithekethe tše nne goba tše tlhano go leeto la mošwamawatlle, e ka ba ditolara tše dikete tše masomepedi nne.”

Ke rile, “Ee, mohlomphegi.”

O rile, “O kolota motšhelo wa letseno go yeo.”

Gobaneng, ke rile, “Re eme thwi ka pankeng ya go swana, gomme o mphile tšheke, gomme ke e fetišeditše ka pankeng le go ngwala dithekethe thwi morago.”

O rile, “Ge o bile le tšheke motsotso o tee,” o rile, “seripa sa yeo, e bile ya gago. O bile le yona, seripa sa motsotso. E bile ya

gago, seripa sa motsotso, pele e ka ba thoto ya kereke.” O rile, “O kolota motšhelo wa letseno go yona.”

O rile, “O e file kereke. O patetše motšhelo wa letseno go yona, gomme o e file kereke. O e file wena.”

Gomme ke rile, “O patela motšhelo wa letseno go yona, e ya go kereke, gona ga e tšhedišwe motšhelo.”

O rile, “Ga re tšhediše kereke ya gago motšhelo. Re tšhediša wena motšhelo.”

Ke rile, gona, “Gobaneng,” ke rile, “yena monna yo a saenego leina la gagwe, motšhelo wa letseno wa mmušo, o mpoeditše go e dira ka tsela ye.”

O rile, “Ga a sa le mmušong gabjale.”

Ke rile, “Bao ba ngwadilego Molaotheo ga ba sa le mmušong gabjale, a o sa eme?” Ke rile, “Letšatši le lengwe o tla be o se sa le mmušong le neng, gomme ke eng seo o se bolelago gona?” Ke rile, “Ke mohuta ofe wa mmušo re o hlankelago?” Kgontho.

Eupša, nako yeo, gomme monna yo mongwe o rile, “Mna. Branham,” o rile, “re hwetša fa, a nke ke go bontšhe gore re tseba fao peni ye nngwe le ye nngwe o e šomišitšego e lego.”

Ke rile, “Go lokile.”

O rile, “Lefelo šele fao o be go o na le kopano ka Canada, ka Alberta, gomme ka gare fale o filwe moneelo wa lerato wa ditolaro tše dikete tše tharo.”

Ke rile, “Ee, mohlomphegi.”

Gomme o rile, “La go latela . . . Lamorena la go feta, a ke re, go leo, o ile ntle gomme wa hwetša fao go bego go le kereke ya kgale, gomme ba be ba rapela ka kerekeng ye, gomme go se tlhaka go yona. Gomme o file ditolaro tšela tše dikete tše tharo go bona batho, go aga kereke.”

Ke rile, “Yeo ke nnete.”

O rile, “Eupša o kolota motšhelo wa letseno go yona.” O rile, “O e file kereke.” O rile, “O a bona, e bile ya gago pele e ka ba ya kereke.”

O rile, “A ga se nnete, gore monna yo *itšego* . . .” Gomme nka se bitše leina la gagwe, gobane bontši bja lena le a mo tseba. “Ngwako wa gagwe o swele lore, fa ka nageng, gomme o be o tllile gare, go tloga kopanong ya gago, gomme o be o ne ditolaro tše makgolo a lesometlhano.” Bjale, yeo e ka no kwagala ka moka tšhelete ye ntši, go yo mongwe wa lena bohle. Eupša yeo e no ba matšatši a lesometlhano go nna go gaputša, goba go khutša. Go ntirela ka godimo ga tolara tše lekgolo ka letšatši, ge e ba ke a rera goba ge e ba ga ke rere, go hlokomela ofisi le dilo. Gomme o rile, “O bile le ditolaro tše makgolo a lesometlhano. Gomme monna yola o bile . . . ngwako o swele lore. O be a na



le bana ba tshela, gomme o mo file ditolara tseo tše makgolo a lesometlhanano.” Kgonthe, ba bile le tšheke ya ka e robetše fale.

Ke rile, “Yeo ke nnete.” Ke rile, “O be o tla dira eng, monna ka bana ba bahlano a dula ka tenteng, gomme seemo sa boso e le lefeela gomme lehlwa mo mobung? O nagana nka dula ka ntlong ye kaone gomme ke tseba gore monna yola le bona bana ba banyane ntle fale, ba gatsela, gomme dijase di pharilwe go ba dikologa, gomme ka tšhelete nka bego ke mo thušitše?”

O rile, “A ga se nnete gore monna o hwile mo mokgolokgotheng godimo fa? Gomme o tšwa Kentucky. Ebile o be a se na tšhelete go tirelo ya poloko ya gagwe, gomme o bolokile monna. Gomme wena le mosadi wa gago le tšere tšhelete gomme le ile go ya J. C. Penney.” A phutholla ntle ditšheke. O rile, “O šomišitše ka godimo ga ditolara tše makgolo a mabedi feela go diaparo tša bana bale.”

Ke rile, “Yeo ke nnete.”

O rile, “A ga se ntlha gore mokgekolo thwi fa ka go toropokgolo ye *itšego* ye . . .” Yo a dulago, nako yeo, New Albany. Gomme o rile, “O mo file ditolara tše makgolo a mararo le metšo, go lefela morago pili ya krosari, yeo, ba be ba mo ripile, pele. Gomme o lefile e nyakile go ba ditolara tše makgolo tlhano go rente ya gagwe, yeo ba bego ba ile go mo ntšha ntle ka marega. Gomme o lefile godimo rente ya gagwe—ya gagwe go fihla June ye e latelago, gomme wa ema gabotse go pili ya gagwe ya krosari yeo e bego e rotogetše go ditolara tše lekgolo lesomenne goba lesometlhanano gape.”

Ke rile, “Ke elelwa taba yeo gabotse. Mme yo mogolo, mengwaga ye masomeseswai bogolo, le morwedi wa go tlaišega, le mošemane wa moreri ka Georgia, a tlaišega ka ramatiki, gomme a robetše malaong, gomme go se thekgo ye nngwe. O be o ka dira eng ka yona?” Ke rile, “Ee, ke dirile.”

O rile, “A potoya gago ya bahlokomelaphlahlo e tsebile se?”

Ke rile, “Aowa, mohlomphegi, ga se nke.”

“A mosadi wa gago o tseba se?”

Ke rile, “Aowa, mohlomphegi, ga se a ke.”

O rile, “Gona gobaneng o se dirile?”

<sup>72</sup> Ke rile, “Gobane Morena wa ka o rile, ‘O se dumelele letsogo la gago la ngele go tseba seo letsogo la gago le letona le se dirago.’” Ke rile, “A le na le molao wo itšego godingwana go feta melao ya Modimo?”

Gomme feela nakwana yeo Moya wo Mokgethwa wa tla go hlakodiša, go botse bjang ka tsela ye A dirago. O bolela dilo, o sa lemoge, o sa tsebe o a di bolela, ge feela o ka dumelela Moya wo Mokgethwa go dira go bolela.

Ke rile, “Gabotse, gabotse, ge o tleleima gore ke kolota yeo,” ke rile, “ke tla dira bokaone nka go kgona.” Ke rile, “Ga ke sa le mošemane, eupša ke tla dira bokaone bja ka go e patela.” Ke rile, “Ga ke kolote motho selo, kafao ke tsebago.” Ke lekile go botega. Ke ile diketekete tša ditolaro ka sekoloto, gomme ke se lefela morago tolara ka beke. Eupša, ka mogau wa Modimo, ke se lefile. Ke rile, “Ge o tleleima gomme o netefatša go nna gore ke kolota tšhelete yeo ye ke e filego batho bale. . .” Gomme ba ile pele go mpontšha fao e ka bago ditolaro tše dikete tše masomepedi, go mengwaga ye lesome ya go feta, ke neetše go swana le fao.

Gomme o rile, “Bahlokomelaphahlo ga ba tsebe selo ka se.”

Ke rile, “Go be go se bohlokwa go bona go e tseba.” Gomme kafao o rile. . . Gabotse, morago o rile. . .

<sup>73</sup> Ke rile, “Seo se nkwešago bohloko, ke go tseba gore bahlologadi bale ba kgale ba babotlana le ditšhuana, ba tla swanela go patela motšhelo wa letseno go yona, le bona, goba ba hwe, ba kolota mmušo.” Ke be ke sa tsebe seo ke se bolelago. Yoo e be e le Tate a bolela, gomme ga se ke tsebe.

“Oo,” o rile, “aowa, ba ka se swanele go patela motšhelo wa letseno go yona.”

Ke rile, “Gobaneng ba ka se swanele go o patela?”

O rile, “O a bona, yeo ke mpho e sa kgopelwago.”

Nako yeo Moya wo Mokgethwa wa mphafašo. “Oo,” ke rile, “gona mpho ya go se kgopelwe ga e ntšhetšwe motšhelo?”

O rile, “Yeo ke nnete.”

Ke rile, “Gona ga ke kolote mmušo selo, ka gore ga sa nke ka tšea moneelo bophelong bja ka.”

Nako yeo ramolao wa ka a emelela, gomme o rile, “Mna. Branham o ka kgona. . .”

Ke rile, “Nka kgona go go fa dimilione tše pedi tša mangwalo ka Washington, go netefatša seo.” Ke rile, “Ga se nke ka ke ka tšea moneelo.”

O rile, “Eupša ge o e ya ntle ka go dikopano tše, gomme le tšhelete yeo e tšewago ke badiredi ba le go patelela se,” o rile, “o na le mokgwa wo mongwe wa kwešišo gore o ya go hwetša se sengwe.”

Ke rile, “Ga go selo.”

O rile, “Gona, gabotse, a ga o kgopele ka poso?”

Ke rile, “Ga go selo.”

O rile, “O hwetša bjang tšhelete ya gago?”

<sup>74</sup> Ke rile, “Seo batho ba nthomelago.” Ke lebeletše sefahlego sa batho thwi bjale bao ba nthomelago dikarolo tša lesome kgafetšakgafetša. Ga nke ke ba kgopela. Ba no e dira. Woo ke Moya wo Mokgethwa. O kgona go hlokomela ba Gagwe mong.

Gomme o rile, “Gabotse, gona, Mna. Branham,” o rile, “o ka kgona go netefatša seo? O ka kgona go ntlisetša mangwalo bonnyane a mengwaga ye seswai goba lesome morago ao o amogetšego moneelo ntle le go kgopela?”

Ke rile, “Bontši kafao o ka nyakago.”

O rile, “Ke nyaka a mararo go tšwa ngwageng wo mongwe le wo mongwe.”

Ke rile, “Go lokile, o tla a hwetša.”

O rile, “Gona a o tla mpha dinotlelo tša lepokisi la ofisi ya poso ya gago, gomme o ntumelele. . . Dumelela poso ya gago go kgobokana matšatši a mabedi goba a mararo, gomme gona ke ye tlase le go e bula, ka bonna?”

Ke rile, “O ka kgona go dira e ka ba eng o nyakago. O ka tla le ofising ya ka gape.”

O rile, “Ke mohuta mang wa kgopelo o o dirago?”

Ke rile, “Ga go selo.”

“O romela ntle eng ka poso?”

“Mašela a thapelo.”

“O a a lefiša?”

<sup>75</sup> Ke rile, “E tla, bala mangwalo ke a romelago le ona.” Yeo e bile yona. Bjale mmušo o nkolota go tšohle ke patetšego, motšhelo wa letseno, go mengwaga ye masomepedi ya go feta. Le a bona?

“Le se eleletše seo le tla go se bolela, ka gore ga se lena bao ba bolelago, ke Tate yo a dulago ka go wena, yo a dirago go bolela.” Le a bona? Ke ka lebaka leo re dumela go go dula le Lentšu. E ka no ba nako ye telele, eupša e tla šoma ntle feela gabotse, go ya ka Lentšu.

<sup>76</sup> Bjale, ke ka lebaka leo re dumelago gore Beibele e re botša gore pele ga ge lefase le ka tsoge la bopša, le pele le ka tla go ba gona, gore Tate o hlabile Kwana. Gomme nako yeo ge A hlabile Kwana, O beile leina la yo mongwe le yo mongwe wa bana ba Gagwe bao ba tlago ka go Puku ya Bophelo, gomme re no phela godimo go lebaka leo go fihla le felelela. Le bona seo ke se rago? Modimo wa go se be le magomo o tsebile seo, gore pele lefase le ka thoma O bone lenaneotshepedišo leo le tla go dirwa, gomme O no e dira.

<sup>77</sup> Bjale elelwang, bjalo ka Moagi yo Mohlwahlwa, Tate, ge A dira lefase le le go bea khalesiamo, photaše, le dipetroleamo, le tšohle dielemente tše tša go fapana tšeo di yago ka gare go dira mebele ya rena, O tsebile nthathana ye nngwe le ye nngwe ya yona le go tseba ke mohuta mang wa sebopego le mmele woo o tla bago le wona pele o ka be wa hlolwa. Kgontho. O tsebile boyo bja Bokagosafelego bja yona. Gomme O tseba ke mohuta mang wa meoya o tla go dula ka go yela.

<sup>78</sup> Gomme bjale, pele re ka fetša hlogotaba yeo, re tla swanela go e topa godimo bošegong bjo, ka go “peu ya sephente” le ka go “peu ya mosadi,” le go e tliša fase le go le bontšha gobaneng e le. Le bona ka fao peu yela ya sephente e theogetše tlase, ka fao peu yela ya mosadi e theogetšego tlase; ka fao peu yela ya sephente e thomilego go ata, go ata, ya ba le maatla, go ba ye kgolokgolo, go ba ye kgolokgolo, go ba kgolokgolo, go ba kgolokgolo, go fihla bjale ga go sa na selo se šetšego eupša feela mašaledi a mannyane a maina a sa šetše, a ngwadilwe go tloga motheong wa lefase.

<sup>79</sup> Eupša ge Mmele o šetše o bopilwe, gomme leina lela la mafelelo leo le lego mo Pukung le tla lemogwa fa mo lefaseng, Dipuku di tswaletšwe, ka gore e phethagetše, kanegelo ya topollo e šetše e badilwe ka go phethagala. Gona re ya go Mmona le go kopana le Yena ka go tsogo. “Yo a kwago mantšu a Ka gomme a dumetše go Yena yo a Nthomilego, o na le Bophelo bjo Bosafelego gomme a ka se tsoge a tla Kahlolong, eupša o fetile go tloga lehung go ya Bophelong.”

“Ga go motho a kgonago go tla go Nna ntle le ge Tate wa Ka a mo goga.” “Gomme ga se yena yo a ratago goba yena yo a kitimago; ke Modimo yo a bontšhago kgaogelo,” go boletše Lengwalo.

Ga se yena yo a ratago. Bontši bja batho ba re, “Ke tla tšoenakereke. Ke ya go ba mothaka wa go loka. Ke tla dira se.” Seo ga se na selo go dira le yona. Ke Modimo a bontšhago kgaogelo.

<sup>80</sup> Bjale, le a bona, ge Modimo a thoma, go . . . Go ne Meboya ye šupa ya Modimo, go no swana le mebala ye šupa ya molalatladi. Gomme a le kile la lemoga? Karolwana ya khutlo tharo ya galase e bonagatša mebala ye phethagetšego ye šupago. A le kile la leka seo? Bea karolwana ya khutlo tharo ya galase; efela ke feela karolo e tee ya galase, eupša, go dikhutlo tše tharo, e tla bontšha mebala ye šupago. Ke ka fao Tate, Morwa, le Moya wo Mokgethwa, a le yo Motee, efela o bontšha ditholwanakgopolo tša semoya tše šupago tša Modimo.

<sup>81</sup> Gomme, gona, Moya wa Modimo wo mogolo wa pele, e lego lerato. Modimo, go swana le molalatladi wo mogolo. Re ka se eletše seo A bonalago go swana le sona. Eupša e no re O bonala bjalo ka molalatladi, yona Meboya. Moya wa phethagalo wa lerato, *bohudedu. Talalerata*, Moya wo o phethagetšego wa kopanelo. Feela yohle Meboya yela ya go phethagala! Gomme gona ge e thoma go theoga, go tla fase. Gomme ba tla tsela yohle tlase go tloga go le—le lerato la *philio* goba . . . lerato la *Agapao*, go lerato la *philio*, le go theoga pele tlase go kganyogo, le go theoga tlase go la tlasetlase.

Gomme gona Modimo ka Boyena o bile Motho, Jesu, gomme o tlile fase tsela yeo ya go swana, go melete ya tlasetlase ya hele, gomme a topa godimo bao A ba tsebilego pele ga motheo wa lefase, bao maina a bona a ngwadilwego go Puku, le go ba lopolla

morago go Yenamong. Ke lena bao. Kanegelo ya topollo e ka se kgone go tsebja ka botlalo go fihla re Mmona gomme re ema ka go go swana le Yena.

<sup>82</sup> Bjale, seo ke gobaneng re se kereke ya leina. Seo ke gobaneng re sa diriša-. . . Re dirišana ka go mosepelo wo mongwe le wo mongwe re ka kgonago, go Modimo. Eupša seo ke gobaneng re se kereke ya leina. Bjale, go tšwa go kereke ya leina go tla tšona dilo tša bofora.

<sup>83</sup> Bjale, bjalo ka ge ke boletše, ke foša letswele thata, gobane ke nyaka e gomarele. Bjale, ntle kua, ka go kereke ya yo mongwe, ke be nka se nagane ka dilo tše. Ke tla ba Mokriste le ngwanešu go lekanela feela go dula go metheo ye megolo yeo bohle re dumelelanago. Le a bona? Eupša, e no ba—e no ba go swana le, ga re nyake go ropa.

<sup>84</sup> Ke be ke bolela le mošemane yo mofsa maabane, fao ke bego ke tsoma sehlora, maabane mosong, tsela tlase ka dithabeng tša Kentucky. Gomme ga se ke lemoge leswao le lennyane le gomareditšwego sethokgweng, gomme ke be ke dutše ka lehlakoreng le lengwe. Gomme ka gopola e be e le Ngwanešu Banks fa, a rotoga godimo go kgabola sethokgwa. O be a tsoma sehlora, le yena, tikologong ya go swana. Gomme ke mmone a etla pele, gomme ke leleditše monna yo mofsa molodi. Ke naganne e be e le Ngwanešu Wood, a apere go no swana le yena. O retologile, gomme ke bone e be e se yena.

Gomme Ngwanešu Wood o be a mpoditše gore go be go ne lefelo godimo fale le be le gomareditšwe. Gomme ga se ke le tsebe. Ga go na mothaladi wa magora; ke feela dithokgwa. Gomme ke tla tseba bjang ke mohlare ofe wa mohikori o lego wa lehlakore lefe? Kafao ke be ke dutše fale ke theeleditše sehlora sa legatlapi. Gomme ke be ke nagana ka, “Gabotse, bjale, bošegong bjo ke ya gae le go thoma kopano. Ke bowa gape ka go ditomo gape.” Gomme ya thoma go na, gomme madimo a tšutla.

<sup>85</sup> Gomme ke bone moisa yo, gomme ke boletše le yena. Ke ile godimo fale le go hwetša gore ke be ke le lefelong la gagwe. Le a bona? Gomme ke boletše le yena. O rile, “Oo, go lokile gohle.” O rile, “Nna, e no tsoma mo gongwe le mogongwe o go nyakago.” Gomme ke rile, gabotse. . . O rile, “O be o se lefelong la ka. O be o dutše ka kua ga mohlare wola wa mohikori.” O rile, “Ka lehlakoreng le la mohlare wa mohikori ke lefelo la ka. Eupša,” a re, “ga go tshwenye, Ngwanešu Branham. Tsoma mogongwe le mogongwe o go nyakago. Etna godimo ntlong. Papa o rata go go bona.” Le a bona? Gomme ke rile, “Gabotse. . .”

Re fihlile go boletšeng ka Beibele. Morago ge go le tabeng ya go tsoma, o boletše se, o rile, “Ngwanešu Branham, ga go na motho mo yo a tshwenyegago ka yo itšego a tsoma. Eupša,” o rile, “papa wa ka o be a le ntle fa letšatši le lengwe gomme motsomi yo mongwe wa toropong o tlile ntle gomme o bolaile

ye nngwe ya dinku tša gagwe e imelago e ka ba masometshela goba masomešupa boima, gomme o goeleditše mothaka, gomme mothaka a mo thunya, ka rifole.” O rile, “Seo ke se se e dirago e mpe.” O rile, “Ga re tshwenyege ka ga go tsoma.”

<sup>86</sup> Gabotse, ke selo sa go swana seo ke boletšago ka sona. Ga ke tshwenyege ke kereke ya leina efe o lego wa yona, eupša dula le Beibele gomme le Moya wo Mokgethwa. Ga se kereke ya leina ya gago yeo re belaelago mabapi; feela ka bjako e ba wa ye tee bjalo ka ye nngwe. Eupša, ke go dula le Beibele goba go amogela dithutotaelo tša madirwa ke motho. Dula le Bibeletse.

<sup>87</sup> Bjale, ba tlišitše pele kereke ya leina, yeo e bilego phošo. Bjale, selo sa go latela ba se tlišitšego pele, seo e bilego phošo, e bile kolobetšo ya meetse. Kolobetšo ya meetse, bjalo ka ge e rutwa ka Beibeleng, ke ka go karabetša. Eupša kereke ya Katoliki e tlišitše pele go fafatša goba go tšhela. Gomme ga go ne Lengwalo ka Beibeleng go thekga go fafatša goba go tšhela; ga go lefelo le bjalo le hwetšwago ka Beibeleng. Ke ka go karabetša.

<sup>88</sup> Gabotse, gona, eupša mmogo go tlile, ka morago ga kereke ya Katoliki, le kereke ya Lutheran, ka go tšhela ga bona. Gomme mmogo gwa tla kereke ya Anglican, le go ya pele, bjalo ge e etla tlase.

Gona, ka morago ga nakwana, Mabaptist a tla gare le Macampbellite, go boela go go karabetša gape. Gabotse, Sathane o bone seo, kafao o no ba fa leina la maaka go karabetša ka lona. Gomme ba thoma go šomiša Leina la Tate, le Morwa, le Moya wo Mokgethwa. Ga go na le tlasana e tee ya Lengwalo ka Beibeleng fao motho yo itšego a kilego a karabetšwa ka leina la “Tate, Morwa, le Moya wo Mokgethwa.” Gomme e ka ba mang a e rutago ke morutiši wa maaka. Gomme ke le boditše ke tla e dira e gomarele.

<sup>89</sup> Bjale, ge le nagana yeo ga se nnete, ke nyaka potšišo ya lena mo sefaleng se, le mpontšha. Ge le ka mpontšha lefelo le tee fao motho yo itšego a kilego a kolobetšwa, ka Beibeleng, ka leina la “Tate, Morwa, le Moya wo Mokgethwa,” ke tla bea leswao mokokotlong wa ka, bjalo ka “moreri wa maaka,” gomme ka ya godimo le tlase mekgotheng, ke goelesa bogodimo bja lentšu la ka, ka diatla tša ka godimo, “Morutiši wa maaka!”

Ga go selo se bjalo. E tšwa kae? Bjale e yang morago. Le ke lehlakore la Beibele. O swanetše go hwetša histori. Makatoliki a dumela go badimo ba bantši, gomme ba ngwathagantšhitše Modimo o tee wa therešo ka go badimo ba bararo ba go fapana.

<sup>90</sup> Gomme theetšang nna. A selo sa go šiiša se bilego ka lephopheng letšatši le lengwe, mabapi le monna yo mogolo yoo bohle re mo tsebago go ba mohlanka wa Modimo; Billy Graham. Re na le setatamente. Ngwanešu Beeler, fale, o na le sona. Ge a botšišitšwe, Billy Graham, ke *yo itšego*, “Mang, thulano ye kgolo ye mabapi le bo boraro e be e le eng? Go bile le badimo ba bararo,

badimo ba kgonthe ba bararo? Goba, e bile bjang? Lefelo le tee, e bonagetše bjalo ka badimo ba bararo. Gomme o tee o bonagetše bjalo ka go be go le go- . . .” Billy Graham o rile, “Ga se ešo ya utollwa. Ga go yo a tsebago.” Nna!

<sup>91</sup> Ge e ba go ne badimo ba bararo, re bahetene. Go swana le Mojuda a boletše, “Ke yo mo feng wa bona e lego modimo wa lena? Tate? A Morwa ke Modimo wa lena? Goba, a Moya wo Mokgethwa ke Modimo wa lena?” Go na le feela Modimo o tee.

Gomme bale ga se bomotho ba bararo, ka gore bomotho e swanetše go ba motho. E ka se be bomotho ntle le go ba motho. Le tseba seo. A se se itšego se ka ba bjang bomotho ntle le go ba motho?

<sup>92</sup> “Oo,” o rile, “ga re dumele go badimo ba bararo ba semotho. Re dumela go bomotho bjo boraro bja Modimo wa go swana.” Gabotse, pele e ka ba bomotho, e swanetše e be motho.

<sup>93</sup> “Ke eng, gona?” o tla bolela. Ga se badimo ba bararo. Ke diofisi tše tharo tša Modimo wa go swana.

O bile Tate, kua mathomong, yo a lekeletšego godimo le—le lešokeng ka go—ka go kgabo ya Mollo, sethokgwa se se tukago. Botate, Modimo, feela bjalo ka ge ke sa fetša go bolela, go theoga, go tla tlase. Yeo e be e le lenaneo la godimodimo. Moya, a—a—*agapao*, *Zoe*, bo—bo Bophelo bja Modimo ka Boyena bo dirilwe ka sebopego sa pilara ya Mollo. Gomme Yena wa go swana, ka morago ga go ba go Botate, o bile Morwa, le Moya wa . . . o bile ka sethokgweng se tukago, o bile ka go Monna, Kriste, gomme O tlišitše bohlatse bja go swana bjoo Mollo o dirilego. O rile, “Ge Ke sa dire mediro ya Tate wa Ka, le se Ntumeleng.” Mohlare wo mongwe le wo mongwe o tla rwala bohlatse bja seenywa sa wona mong.

<sup>94</sup> Gomme morago ka morago ga ge E bile Monna, le a bona, E theogetše fase go tloga go Ka godimo ga tlhago, ka go se sengwe se ka swarwago seo se ka kgwathwago, mmele. Gomme ka lehu la sehlabelo le sehlabelo segolo sa Modimo o tee yo, Jesu, O rile, “Nna le Tate wa Ka re Batee. Tate wa Ka o dutše ka go Nna.” O kgona . . . Ga go yo a ka balago seo bopepeneneng bjo itšego.

Ba rile, “Gobaneng O sa re bontšhe Tate, gomme e tla—e tla re kgotsofatša.” Johane 14:8.

<sup>95</sup> O rile, “Ke bile botelele le lena bjalo, gomme ga le Ntsebe?” O rile, “Ge le bona Ta- . . . Ge le bona Nna, le bona Tate wa Ka.”

Bjalo ka ge mohumagadi nako ye nngwe a tabogetše godimo; o rile “Gobaneng, Ngwanešu Branham,” o rile, “ya, Tate le Morwa ke batee, feela go swana le wena le mosadi wa gago le le batee.”

Ke rile, “O, aowa, ga ba bjalo.” Ke rile, “A o a mpona?”

O rile, “Ee.”

Ke rile, “O bona mosadi wa ka?”

O rile, “Aowa.”

<sup>96</sup> Ke rile, “Gona ga se bona mohuta wa go swana wa botee. Jesu o rile, ‘Ge le bona Nna, le bone Tate. Tate o dutše ka go Nna.’ Mosadi wa ka ga a dule ka go nna.” Le a bona?

Ke ba Batee. Ka tsela ye nngwe le ye nngwe, ke ba Batee. Gomme rena re batee ka kwano, mosadi le nna. Rena re batee ka kopanelo, eupša re bomotho ba babedi. Mosadi wa ka a ka dira mohuta wo mongwe wa go nagana, gomme nna wo mongwe. Gomme re batho ba babedi. Eupša ga go bjalo ka Modimo. Bona, Modimo le Kriste, ke Motho wa go swana mong.

<sup>97</sup> Gona Moya wo Mokgethwa ke eng? Moya wo Mokgethwa ke Moya wa go swana wa Modimo o dula ka go batho bao A ba hwetšego, le go bea leina la bona go Puku ya Kwana ya Bophelo. Yeo, ba be ba le batee le Yena, kua mathomong. Lengwalo le bolela bjalo. A Jesu ga se a ba botša gore ba be ba le le Yena pele ga motheo wa lefase? Menagano ya lena e ntshofaditšwe le go fifala, gomme bohle re a dira, go dilo tšeo. Eupša ga se rena kotsi ye nnyane e direga fa. Re barwa le barwedi ba Modimo, kua mathomong a tlholo ya Modimo, gomme re tlišitšwe fase mo go bohlatse, go hlatsetša mogau wa Modimo woo o abilwego go phatlalala ka dipelong tša rena ka Moya wo Mokgethwa. Re na le Moya wa Gosafelego. Ga go yo mongwe, ga go yo mongwe, gomme ga go tsela ye itšego, go e thibela. Kereke ya Modimo e tla ba fao feela ka kgonthe bjalo ka ge kgonthe e ka bago.

<sup>98</sup> Bjalo ka ge re be re bolela, go topa godimo hlogotaba ye nnyane gape, feela go—go motsotso, ka fao ngwana wa hlaba a bego a ka se tsene mmušong go meloko ye lesomenne, mengwaga ye makgolo nne, le ka fao gore bokgopo bja batswadi bo be bo etela bana, go fihla go moloko wa boraro le wa bone.

<sup>99</sup> Gape, toko ya batswadi e be e etelwa. Seo o se dirago, ge e ba go na le bokamoso bjo bo tlogo gomme o na le morwa wa setlogolokhukhu, ditiro tša gago lehono di tla kgonthišiša seo a tla bago sona nako yeo.

Gobane re bala ka Beibeleng fao Melekitsedeke, ge A kopane le Abraham a bowa go tšwa polaong ya magoši, gomme Abraham mopatriaka o Mo file sa lesome, karolo ya lesome ya tšohle a bilego le tšona. Gomme morago o boletše seo ka karolo ya lesome, gore, “Ke feela Lefi a nnoši a amogelago karolo ya lesome. Eupša,” o rile, “Lefi, yo a amogetšego karolo ya lesome, o lefile karolo ya lesome ge a be a sa le mo mathekeng a Abraham.

<sup>100</sup> Oo, le kgona go e swara? [Ngwanešu Branham o kokota mo phuluphithing makga a mahlano—Mor.] Abraham o be a le wa Lefi. . . morwa motlogolokhukhu. Gomme fa, Lefi, bonnyane mengwaga ye makgolo a seswai goba lesome moragorago, mohlomongwe makgolo a mantši. Nka se tsebe feela eng, bontši. Ke tla swanela go no e naganela, go kgabola moloko. Eupša,



Abraham o tswetše Isaka; Isaka o tswetše Jakobo; Jakobo o tswetše Lefi. Gomme fa, Lefi, Jakobo o tla ba tatagwe; Isaka tatemogolo wa gagwe; gomme Abrahamana rakgolokhukhu wa gagwe. Gomme ge Jakobo a be a le mathekeng a Abraham, Beibele e rile, “O lefile karolo ya lesome go Melekitsedeke.”

<sup>101</sup> Gomme gona moloko wo wo mofsa, o kitima go dikologa, go kgoga, go nwa, le se sengwe le se sengwe, o letela bjang moloko wo mongwe go ba gona? Lebaka re nago le sebe, go senya ga bafsa bjale, lebaka re nago basetsana ba banyane mekgotheng, le bašemane ba banyane, ke gobane bomme ba bona le bopapa ba dirile seo ba se dirilego mengwageng ya kgale.

Gomme lebaka re sa ne bareri bao ba tla emelego Therešo, lebaka re sa ne basetsana ba fešene ya kgale, ke gobane ba bile le batswadi ba fešene ya kgale morago ka morago ga bona. Yeo ke nnete tlwa. Re sa ne bareri bao ba emago go se itšimeletše le kereke ya leina ye itšego, goba Lentšu, ke gobane gore re bile le bareri ba fešene ya kgale ka morago, ba eme thwi mafelong a go swana. Ee.

<sup>102</sup> Bjale re ka go letšatši le. Gomme bjale re nyaka go re, seo, ka fa, morago go . . . tše dingwe tša dikereke tša maina, lebaka leo re sego kereke ya leina. Gomme, gobane, ge re bile kereke ya leina, re swanetše go khunama fase go seo.

<sup>103</sup> Gomme elelwang, le puruputša Mangwalo e ka ba kae le ratago, gomme le ka se hwetše lefelo le tee ka Beibeleng fao motho yo itšego a kilego a kolobetšwa ka go fafatšwa, ka go tšhelwa, goba ka leina la “Tate, Morwa, le Moya wo Mokgethwa.” Kafao, ge e ba e se Lengwalong, e ile ya swanela go thoma felotsoko.

<sup>104</sup> Bjalo ka ge ke bolela, ke dutše ka tlase ga mohlare wo mogolo, ke e lebeletše. E, oo, e ka no ba go swana le bo—bo botona, e—e ka no ba ya tšitširipa, e ka no ba ye maatla, eupša e na le mathomo. E ile ya swanela go thoma. Gomme se sengwe le se sengwe . . . Bodumedi bjo bja nako ya kgale bjoo re bo emelago ka bogale bjalo, bo ile bja swanela go thoma felotsoko. Bo ile bja swanela go ba le mathomo. Gomme diism tše re nago natšo, di ile tša swanela go ba le mathomo. Gomme Mangwalo a maaka ao re a šomišago ka go dikereke tša maina tša rena, a ile a swanela go ba le mathomo. Gomme ge re re, “Ke nna Momethodist,” o ile wa swanela go ba le mathomo. Ge o re, “Ke nna Mobaptist,” o ile wa swanela go ba le mathomo. O re, “Ke nna Mokatoliki,” o ile wa swanela go ba le mathomo. O re, “Ke nna Mokriste wa go tswalwa gape,” o ile wa swanela go ba le mathomo. O ile wa swanela go ba le ona.

<sup>105</sup> E ya morago, hwetša fao e thomegilego. A re yeng morago go mathomo a seswantšho. Gona ge e ba go se ne kereke ya leina ka Beibeleng, gona kereke ya leina e swanetše go ba le mathomo. E

thomile ka kereke ya Katoliki. Maprotestant a no hloga go tšwa go yona.

<sup>106</sup> Gona ge Beibele e boletše gore o be a le mosadi wa tumo ye mpe, gobane, thuto ya gagwe, o dirile mabootswa a semoya. Mabootswa ke eng? Elelwang, re e fetile bjale. Mosadi a phela le monna wa gagwe, o swana bjalo ka kgarebe. Ga se a tšhilafatšwa, ge feela a phela le monna yola o tee. Eupša bobbe ke eng? Toko, e fapošitšwe. A nke a phele le monna yo mongwe, gomme o lahlilwe. Le a bona? Toko, e fapošitšwe.

<sup>107</sup> Bjale, ge e ba kereke ya leina e le phošo. . . Ge e ka be e rereša, Modimo a ka be a rile, “Bjale re ya go ba le dikereke tša maina.” Gomme ge. . . Kereke ya Katoliki e kwalakwaditšwe, ka Beibeleng, bjalo ka “seotswa,” ye mpe, gobane o be a efa go phuthogo ya gagwe thutomodimo ya gagwe mong, gomme e sego Beibele. Ngwanešu, kgaetšedi. [Ngwanešu Branham o phaphatha matsogo a gagwe makga a mabedi—Mor.] A kereke ya Katoliki ga e le sege sefahlegong sa lena ka Beibele? Ba re ga ba iše felo seo Beibele e se bolelago; ke seo kereke e se bolelago, ke seo kereke ya bona ya leina e se bolelago. Gabotse, gona, o kgona bjang go ba bitša ba phošo ge o phuhlama fase go kolobetšo ya bona ya “Tate, Morwa, Moya wo Mokgethwa,” mola Beibele e e kgalema? Ka gore Mamethodist a bolela bjalo, Mabaptist a bolela bjalo? Gobaneng le tla dumelelana le go fafatša le go tšhela, mola go se na selo se bjalo ka Beibeleng? Ga go selo se bjalo bjalo ka motho yo itšego a kolobeditšwe ka leina la “Tate, Morwa, Moya wo Mokgethwa.” Gona gobaneng le e dira?

<sup>108</sup> Le a bona, seo ke gobaneng re se kereke ya leina. Ga ra swanela go ba fa sebaka. Re tšea. . . Ge Moya o lahlela Seetša go Lengwalo, re dula le Lengwalo le GO RIALO MORENA. Ke lena bao. Ga go selo se bjalo bjalo ka seo. Ga se se ngwalwe Lengwalong.

<sup>109</sup> O, le re, “Go reng ka Mateo 28:19?”

Bjale, re fetlekile go kgabola seo makga a mantši. Yeo e bile taba yeo Jesu a e boletšego. “E yang kagona, rutang ditšhaba tšohle, ba kolobetseng ka Leina la Tate, Morwa, le Moya wo Mokgethwa.” A e kile ya phethwa? A go kile gwa ba le motho a kilego a kolobetšwa ka tsela yeo? Ga a gona. Gona go swanetše go ba le se sengwe sa phošo felotsoko. Kgonthe, ke Bokatoliki bo e dirilego.

<sup>110</sup> Hwetša ge e ba go kile gwa ba ka go histori, go fihla go botate ba ante-Nicene, lena borahistori. Balang dipuku tša botate ba ante-Nicene, gomme le bone, go theoga go fihla go kgoši ya Engelane. Yo mongwe le yo mongwe wa bona o kolobeditšwe ka leina la Jesu Kriste go fihla ka kereke ya Katoliki. Gomme kereke ya Katoliki e na le maatla, ba rile, go fetola e ka ba eng ba ratago go. Gomme ba ile go kolobetša ka leina la “Tate, Morwa, Moya wo Mokgethwa.” Martin Luther o e tlišitše ntle. John Wesley a

e latela. Le Alexander Campbell o tlile le seo. Le John Smith, wa kereke ya Baptist, o latetše pele. Še ke Pentecost ka yona, go le bjalo.

Eupša iri e fihlile!

<sup>111</sup> Šetša dikantelara, bjalo ka ge re bile go tšona bošego bja go feta. Kantelara ya pele ke Seetša. E ile ya fifala, fifala, fifala, go fihla e e ya go kgabola mengwaga ye makgolo a lesometlhano a mabaka a phifalo. Morago, ya thoma go gotela godimo. Gomme feela pele ga lebaka la kereke la mafelelo, o goteditše morago gape. Mo magareng ga mabaka a kereke a mabedi, Seetša sa tla.

Latela Mangwalo, a kereke ya Efeso, kereke ya Thesalonika, pele tlase go fihla go lebaka la phifalo. Le lengwe le le nngwe la ona, O rile, “O na le maatla a mannyane, eupša ga se o latole Leina la Ka.” Gomme kereke ya go latela, “O dirile selo se segolo, eupša ga se o latole Leina la Ka.” Latela botate ba ante-Nicene tlase go kgabola seo. “Ga se o latole Leina la Ka.” Morago, mengwaga ye makgolo a lesometlhano a lebaka la phifalo.

Morago kereke ya Lutheran e tlile ntle. O rile, “Ga o na Leina la Ka, eupša o na le leina.” Ga e sa le Jesu; eupša Luther, le Katoliki, le Baptist, le Presbyterian. [Ngwanešu Branham o betha diatla makga a mabedi—Mor.] “O na le leina gore o a phela. ‘Ke rena kereke ye e phelago. Re a atlega. Re ya pele.’ Eupša le hwile!” Lengwalo le boletše bjalo.

<sup>112</sup> “Ka gore ga go leina le lengwe le filwego ka tlase ga Legodimo makgatheng ga batho, leo ka lona batho ba ka phološwago.” E sego. . . Baptist ga e go phološe. Presbyterian ga e go phološe. Katoliki ga e go phološe. Jesu o a go phološa.

<sup>113</sup> Tšohle ka go dipukungwalwa tše nnyane, dikakanyo tša madirwa ke motho, ba di bea fase, “Ke seo re se dumelago.” Gomme leo ke lebaka re dula kgole go tloga go yona. Ga re na pukungwalwa eupša Beibele. Ga go go hlahlwa, ga go mopišopo, eupša Moya. Yeo ke nnete.

Gomme gona ge go na le moya wo o fošagetšego o tsena ka gare, o tla leka go phetla se sengwe ka gare fale, Lentšu le tla se phetlolla. “Seo se fošagetše. Dula kgole go tloga go sona.” Le a bona? Šefa go tla Moya mmogo, o re, “Seo se fošagetše.” E bea bohlatse, ka gore moya wa rena o bea bohlatse le Moya wa Gagwe.

Šefa go tla wo mongwe go bapa, o re, “Oo, re swanetše. Oo, ke a nagana go lokile go bona go dira *se, seo, se sengwe.*”

<sup>114</sup> Eupša Moya o rile, “Go na le se sengwe se fošagetšego ka seo.” E ya morago thwi ka Beibeleng le go mo tliša fase thwi, ka tsela re dirago. “Gomme go fošagetše. Dula kgole go tloga go yona.”

Leo ke lebaka Beibele e rile, “Fa ke go yena yo a nago le bohlale. Fa ke go yena yo a nago le tsebo. Fa ke go yena yo a nago

le se.” Kereke fale, e dutše ka lenaneo. A ga le bone peakanyo ye kgolo ya Modimo?

<sup>115</sup> Bjale lebelelang. Lebaka la Kereke ya Filadelefiya e bile lebaka la kereke ya Methodist, lebaka la kereke la leratano la baena, kaonafatšo. Leo, ge Bocalvin bja godingwana bo šetše bo tsupologile godimo ka go kereke ya Anglican ka Engelane, fao ba sa nka go ebile ba ba le tsošeletšo gape, e theogetše go tloga ka go dipeu tša furu, Modimo o tsošitše godimo John Wesley bjalo ka modiramolao, go tšea thuto ya Arminian. Gomme ge a dirile, o rathile selo sela mo hlogong, gomme e na le maswanedi a go ba. Eupša o dirile eng? Šefa go tla Mamethodista mmogo, le go kitima feela bokgole bjalo ka tsela *yela* bjalo ka ge yena (Macalvin) a dirile ka tsela *ye*. Bjale, magareng fale, e sa le Methodist, e sa le Baptist.

<sup>116</sup> Ke duma re ka fetša se fa bjale mo Mangwalong, Tšea Dikutollo 3, gomme le tla e hwetša. Bjale feela pele. . . Lebaka la mafelelo la kereke, leo e bilego Pentacostal, ke ye bololo, Lebaka la Kereke ya Laodekia, yeo e gannwego.

Eupša elelwang, bjalo ka ge Jesu a bonwe mo sefapanong, a eme ka go dikantelara tša gauta tše šupago, ya leswiswiswiwi e bile yeo e bilego kgolekgole go tloga go Yena, letsogo la Gagwe le letona le letsogo la Gagwe le le tshadi. “Gomme O bile go bonala godimo bjalo ka Alefa le Omega.” E sego sa magareng. “A—a Alefa le Omega,” bjalo ka ge A bile le seatla sa Gagwe se otlotlotšwe. “Gomme O be a le letlapa la jasipe le saritis,” yoo e bilego Benyamini le Reuben, “mathomo le mafelelo.” Fao O bile le diatla tša Gagwe di otlotlotšwe. Šefale O eme.

<sup>117</sup> Eupša elelwang, ka go yeng ntle ga se, le se e hlakahlakanye. Ka gore, ge ba amogetše maina a fa, a dikereke tša maina tše, ba tla hwa thwi ka go tšona dilo tša go swana, thwi pele go theoga. Eupša O rile, “Feela magareng ga Methodist le Pentacostal,” go ya ntle, “Ke beile lemati le butšwego pele ga lena.” Ke lena bao, Leina le bušeditšwe gape. “Ke beile lemati le le butšwego. Ka gore ke Nna Tsela, Therešo, le Bophelo. Ga go motho a tlogo go Tate ge e se ka Nna.” Se ke eng? Lemati lela le butšwego.

<sup>118</sup> “Tselameetse!” Tselameetse, ge le lemogile, ga se go o-t-l-o-l-o-g-a. Ke t-s-e-l-a-m-e-e-t-s-e. “Tselameetse ke tsela.” Tselameetse, ke meetse

Bjang? “Morago go Leina la Jesu, leo le ilego la ba le lona. Ga se le. . . Le na le bophelo bjo bonnyane; ga se le latole Leina la Ka.” Gona, gona, ka *fa* e ba lahlegetše, ba ile ka go kereke ya leina ya Katoliki; ba tšwa ntle ka go kereke ya leina ya Lutheran, ba tšwela ntle ka go kereke ya leina ya Wesley, gona ba ya thwi ka go Pentacostal morago.

Eupša, feela pele ga nako ya bofelo, Peu e nyakile e tlogile go tšwa lefaseng. E tšeletše ntle, Peu ya baloki. Peu ya sephente e no kgobokana ka lebelo le lebelo le lebelo, e lokela go lebaka le la

athomo, go ka senywa. “Eupša feela pele ga nako yeo, ke tla bea tsela ya phologo. Ke tla bea pele ga lena lemati le le butšwego. Tselameetse ke kgoro ye gomme e pitlaganego ke tsela ye, gomme go tla ba ba se nene ba bona ba tla go e hwetša. Eupša e petleke ke tsela ye e išago tshenyegong, gomme ba bantši e tla ba ba tla yago ka go yeo.” Ke lena bao. Feela pele ga se, Seetša se segolo se se be se swanetše go tsupologela pele.

<sup>119</sup> Ke thakgetše bjang. Ke no se tsebe ke e hlagiše bjang, ke thakgetše bjang. Še e fa, nako ya go tswalela, gomme ga se ešo ka kgwatha hlogotaba ya ka.

<sup>120</sup> Ke nyaka go bolela ka: *Kolobetšo Ya Moya Wo Mokgethwa*. Ke ya go e kgwatha, golebja, go ye lesome, metsotso ye lesometlhano. Bjale, nka se le swarelele diiri tše tharo go swana ke dirile bošego bja go feta; ke tla leka go se.

<sup>121</sup> Bjale, ge ba bile le kolobetšo ya meetse ya maaka, dikereke tša maina di fošagetše. Gomme e ka ba mang yo a emelelago dikereke tša maina tše itšego ka go phethagala o thekga selo se se fošagetšego. Ba thekga seo Modimo a lego kgahlanong le sona. O boletše bjalo ka go mabaka a a kereke. O boletše bjalo ka Lengwalong, le go ba bitša bommalegogwana, gobane, “Ba ruta go Thuto ditaello tša batho.” Bjale, rena . . .

<sup>122</sup> Ke ile go lefelo e se kgale botelele, go monna yo itšego o tla ka fa, o ngwala thesisi ka phodišo Kgethwa. Gomme o rile, “Selo se nnoši ka wena, Ngwanešu Branham,” o rile, “batho ba swara kgahlanong le wena gobane o ya go Mapentecostal.”

Ke rile, “Gabotse, ke tla tla go ya lena,” ke rile, “ge le ka nthekga toropong ya lena.”

O rile, “Gabotse,” o rile “ke—ke šetše ke tšetše seo godimo.” O rile, “Ke e tšetše go mopišopo wa kereke *tsoko* ye, kereke ya Methodist.” Ga go tlhokego ya go goga matswele a itšego mabapi le yona. O rile, “Ke e tšetše godimo, gomme ba rile, ‘Bjale, o a bona, rena, bjalo ka kereke ya Methodist, ga re dumele go mehlolo ye.’”

<sup>123</sup> Bjale o ya go dira eng? Bjale o ya go theeletša kereke ya Methodist, goba kereke ya leina? Ge e ba o dira, ke wena mmalegogwana wa bodumedi. O nagana kereke ya Baptist e ka thekga khampheini ye bjalo? [Phuthego e re, “Aowa.”—Mor.] Gobaneng? Ka gobane ke bona Mabaptist. Beibele e rile ke bommalegogwana. O tlišitše pele barwedi, gomme ba bile “bommalegogwana.” Gobaneng? Go fa ntle mohuta wa go swana wa thuto, thuto ya madirwa ke motho, sebakeng sa Thuto ya Modimo. Seo ke gobaneng re se kereke ya leina le Mabaptist. Seo ke gobaneng re se kereke ya leina le Mamethodist.

<sup>124</sup> Bjale, gobaneng re se kereke ya leina le Mapentecostal? Ke lena ba. Yeo ke tlwa. Pentacostal nka be e dutše fao . . . Ge—ge kereke ya Lutheran e ka be e dutše fao e bego e tla thoma, e ka be e bile Pentacostal. Eupša ba dirile kereke ya leina, kafao

Modimo o tsošitše godimo pentecostal ye nngwe, e bitšwago Wesley. Gomme bjalo ge Wesley a dira kereke ya leina, O tsošitše godimo ye nngwe, e bitšwago Baptist. Ge ba dira kereke ya leina, gona O tsošitše godimo ye nngwe, e bitšwago Macampbellite. Ge ba dirile kereke ya leina, O tsošitše godimo ye nngwe, e bitšwago Pentecost. Ge ba dirile kereke ya leina, O ya pele. E nno šetšang le bone.

<sup>125</sup> Ga se lenaneotshepedišo le Lekgethwa la Modimo. Ga e ka go lenaneotshepedišo la Modimo, go ba le dikereke tšeo tša maina. Kafao, le a bona, se ke gobaneng re se kereke ya leina.

<sup>126</sup> Elelwang se. Ke rile, kua mathomong, bjale, ge ke le gobatša, ga ke e re. Ye ke ya kereke. Ge o dutše mmogo, re rata go ba le wena fa, eupša se ke seo re se emelago, le gobaneng re se kereke ya leina.

<sup>127</sup> Bjale, kereke ya leina, le go thoma, ke maaka, le barutiši ba maaka. Ke rile e tla gobatša, gomme ke nyaka e gobatša. Ke bona ka phethagalo barutiši ba maaka. Motho mang kapa mang a tsebago dilo tšeo, gomme a tla a ema le go itšimeletša, go Baptist, Methodist, Lutheran, goba Pentecostal, a tseba gore Beibele e ruta go fapana, ke moprofeta wa maaka. Ga go na go gomarela go e rarela. Yeo ke tlwa. Seo ke gobaneng ke sa tšoenana Assemblies. Seo ke gobaneng ke sa tšoenana Oneness. Leo ke lebaka ke sa tšoenago Baptist, Methodist, goba Presbyterian, ka gobane ba maakeng. Ga ke re gore batho ba bona ke ba maaka. Ke ra gore thutamodimo ya bona ke ya maaka, ka gobane ga e bapele le Lentšu la Modimo.

Paulo o rile, “Ge . . .” O ile godimo fa . . . A nke ke le bontšhe seo Paulo a se boletšego, pele re tlogela kolobetšo ye ya meetse.

<sup>128</sup> Ge Jesu a be a dira taba, go Mateo 28:19; Petro, matšatši a lesome ka morago, o rile, “Sokologang yo mongwe le yo mongwe wa lena gomme le kolobetšweng ka Leina la Jesu Kriste tebalelong ya dibe tša lena, gomme le tla amogela neo ya Moya wo Mokgethwa.”

Nako ye e latelago kolobetšo e boletšwego, ge Filipi wa moebangedi a ile tlase le go rerela Basamaria. Gomme o kolobeditše yo mongwe le yo mongwe wa bona ka Leina la Jesu Kriste. Paulo . . . Petro o tlile tlase, goba Petro le Johane, a ke re, gomme ba beile diatla go bona; ba amogetše Moya wo Mokgethwa.

Morago ba ile pele godimo fale. Petro o ile thwi gona go ngwako wa Koronelio. Gomme ge Koronelio . . . “Ge Petro a sa bolela Mantšu a, Moya wo Mokgethwa o fologetše go bona.” Petro o rile, “Re ka se thibele meetse, re bona gore ba ba amogetše Moya wo Mokgethwa go swana re dirile kua mathomong.” Gomme a ba laela go kolobetšwa ka Leina la Morena Jesu Kriste.

<sup>129</sup> Bjale, Paulo o fetile go kgabola lebopo la tletlolo la Efeso; o hwetša Mabaptist a mangwe. Gomme ba bile le—bona

moapostola godimo fale, moapostola wa Beibele, gomme leina la gagwe e be e le Apollo. O be a le ramolao, a sokologile, gomme o be a netefatša go batho gore Jesu o be a le Kriste, ka Beibele. O rile, “Me—me Mesia o swanetše go dira dilo tše itšego. Monna yo o be a le Mesia.”

<sup>130</sup> Gomme ba bile le sehlopha se segolo sa batho fale, gomme ba be ba hlalala, le go goeletša, le go ba le nako ye kgolo ya yona. Akwila le Perisila ba be ba ile godimo kua le go tšoenana le bona, ba na le kopanelo le bona. Ba be ba se na kereke ya leina. Ba be ba na le kopanelo. Gomme kafao ba bone monna yo o be a le monna yo mogolo, oo, ke setswerere, ramolao, gomme o be a le—o be a le monna wa setswerere. Kafao a . . . Ba rile, “Bjale, lena, le gabotse kudu go seo le se tsebago, eupša re na le ngwanešu yo monnyane o reeletšwe Paulo. Ge a etla, o bile le boitemogelo bjo bongwe, o tseba seo a bolelago ka sona. O tla le ruta tsela ya Morena pepeneneng kudu, ge le ka no dula le go mo theeletša. Bjale, le se leke go kgorometša se sengwe go tloga go yena, ka gobane ga a ye go e homolela. Le a bona? Eupša le no—le no ya pele, mo theetšeng.”

<sup>131</sup> Gomme Paulo o tla go kgabola. O ba theeditše, a šeditše gatee godimo fale.

O rile, “Seo se lokile kudu, eupša afa le amogetše Moya wo Mokgethwa, lena Mabaptist, ge e sa le le dumetše?”

“Oo,” ba rile, “a ga re Nawo?”

“Ga ke nagane bjalo.” Le a bona?

“Gabotse, gobaneng?”

“Gabotse, le kolobeditšwe bjang?”

“Oo, re šetše re kolobeditšwe. Re šetše re kolobeditšwe.”

<sup>132</sup> “Gabotse, le kolobeditšwe ke mang? Gomme le kolobeditšwe bjang?”

Beibele e re, “go eng.” Segerike, goba ya setlogo, e re, “ka go bjang” Gomme ye e re, “go eng.” O rile, “Le kolobeditšwe eng?” Ka mantšu a mangwe, “Le kolobeditšwe bjang?”

<sup>133</sup> “Re kolobeditšwe ke Johane Mokolobetši, monna wa go swana yo a kolobeditšego Jesu Kriste, molete wa meetse wa go swana.”

Yeo ke kolobetšo ye botse ya go kgahliša, a ga le nagane bjalo? Go lebelega e ke yeo e tla mamarela gabotse, a e ka se? Go lebelega e ke e tla ba gabotse, ge monna yo a sepetšego ka gare ga meetse le Morena wa rena Jesu Kriste gomme a kolobeditše Jesu. Gomme Modimo o e dumeletše, go fihla A e tla fase ka sebopego sa Moya wo Mokgethwa gomme a tsena ka go Yena. Gomme O rile, “Yo ke Morwa moratwa wa Ka yoo Ke kgahlwago ke go dula ka go,” thwi ka morago ga kolobetšo. Go lebelega go nna e ke kolobetšo yeo e be e lokile.

134 Gomme Paulo o rile, “E ka se sa šoma gape bjale. E ka se sa šoma gape.”

“Gobaneng e ka se sa šoma gape?” Le a bona?

“Le swanetše le kolobetšwe gape.”

“O ra gore rena, bao ba kolobeditšwego ke Johane, yo a kolobeditšego Jesu, re swanetše go kolobetšwa leswa?”

“Yeo ke nnete.”

Ba rile, “Re swanetše go kolobetšwa bjang?”

135 O rile, “Ka Leina la Jesu Kriste.”

Gomme Paulo o ba išitše ntle fale le go ba kolobetša bohle, gape. Ditiro 19:5. “Gomme ge ba kwele se, ba ile ba kolobetšwa gape, bjale, ka Leina la Jesu Kriste. Gomme Paulo o beile diatla go bona, gomme ba amogetše Moya wo Mokgethwa.”

136 Ge Paulo a tlameletše banna le basadi go kolobetšwa godimo gape, ka Leina la Jesu Kriste; ge e ba ke ruta Ebangedi ye nngwe e itšego, gona moya wa ka ga o gabotse go swana le wa Paulo o bile. “A nke a amogele seo ke se ngwalago ke ditaelo tša Morena.”

137 Gomme bjale go Bagalatia 1:8, Paulo o rile, “Ge morongwa go tšwa Legodimong a etla, morongwa wa go phadima gagolo.” O bolela ka eng? Kutollo. Leina la Morena le šegofatšwe! Ga go tshwenyega ka fao kutollo ya gago e lego ye botse. Le elelwa mathomo a tirelo ya rena mosong wo, Urim Thummim? Ge se sengwe se etla le go e utolla ka phethagalo; ke mofori, ke morongwa wa maaka, gomme monna yo a rwalago molaetša wa gagwe ke moprofa wa maaka. Go na le tsela e tee go ka kolobetšwa, yeo ke Leina la Jesu Kriste. Ge o se wa kolobetšwa ka tsela yeo, go na le lefelo la kolobetšo le letile. Yeo ke nnete.

138 Ka maaka! Nkhweletše lefelo letee fao e ka ba mang a kilego a kolobetšwa ka leina la “Tate, Morwa, Moya wo Mokgethwa.” Ga e ka go Dingwalo tše kgethwa. Ke eng? Ke thutotaelo yeo e thomilwego ke kereke ya Katoliki. Re ka thekga se. Re na le botlalo bja dithuto tša botate ba Nicene. Re na le histori ya yona. Re na le *Two Babylons* ya Hislop. Re na le sengwalwa sa Josephus. Re na le dihistori tšohle tša bogologolo. Gomme Josephus o ngwadile ka nako ya Morena Jesu. *Two Babylons* ya Hislop, e ngwadilwe ka morago ga seo. *Ante-Nicene Fathers* e ngwadilwe ka morago ga seo, pele go thomeng ga kereke ya Katoliki. Gomme morago kereke ya Katoliki ya tla gare, gomme ya e kgoromeletša ntle yohle le go thopa, ka bobona, gomme Roma ya sehetene ya dirwa Roma ya bopapa. Gomme fao ba tlišitše kolobetšo yela ya meetse ya maaka, go fafatša; gomme go tloga go Leina la Morena Jesu, go ya go “Tate, Morwa, Moya wo Mokgethwa.” Gomme Jesu o rile, ka tlase ga tšhušetšo A e fago Johane mo Patimo, “O na le leina gore o a phela, eupša o hwile.” “Tate, Morwa, Moya wo Mokgethwa” ke leina le le hwago.



139 A nke ke le botše boitemogelo bjo bonnyane bja seng; Switzerland, Jeremane, le mafelo ao ke bilego.

Babolellamahlatsepele ba šoma bjang? Meoya ye mebe e sepela bjang? Ke nyaka le ntumele, bjalo ka modiša wa lena, ka gobane ke lena ke bolelago le. Bodiabolo ba sepela ka leina la “Tate, Morwa, le Moya wo Mokgethwa.” Ba sega mafofa, le se sengwe le se sengwe gape, le go loyana o tee go yo mongwe, ka leina la “Tate, Morwa, Moya wo Mokgethwa,” ba le bitša maina a mararo a godimo. Mmago yona ke dikereke tša Katoliki. Ba ya go dihlwadieme tše nnyane tše le go khunama fao, le go sega mafofa ka dikero, le go e retollela morago, le go loya baagišani ba bona, le go ya pele, fao ba tšhungwago go bolawa, le se sengwe le se sengwe gape, go lona.

140 Ka Switzerland, ke eme ka matsogo a ka mo koteng, ka mokgwa *wola*, fao banna le basadi ba go botega ba hwilego, ge ba kgaola maleme a bona ntle, le go tshuma mahlo a bona ntle, le se sengwe le se sengwe, ka ditšhipi tša go fiša, kereke yela ya mmalegogwana ya Katoliki. E sego seo feela, eupša le dikereke tša lena tša pele tša Anglican, le tšona. Le dikereke tša lena tša Protestant di dirile selo sa go swana. Gomme ba loile, ka “Tate, Morwa, le Moya wo Mokgethwa.”

141 Ngwanabolena le modiša wa lena, ke bile le—le monyetla wa go leboga, ka mogau wa Modimo, go šireletšwa go dilo tše, eupša go tseba ka go iponela seo ke bego ke bolela mabapi. Fao, mosadi, o be a tšile go kereke ye, a nthogaka gomme a re, “O raloka ka bomoya.” Modimo ka Legodimong o tseba sohle seo e bego e le mabapi le. Nka se kgone go tšea e se go motho . . . Ga se ka . . .

142 Ge ba mpoeditše gore Pigalle, ka Paris, e be e le lefelo la tumo ye mpe bjalo, ke tsebile bjang? Ga se nke ka ba fao. Eupša ke ile tlase kua go hwetša ge e ba e be e le nnete goba aowa. Ke tšere ba babedi goba ba bararo bontši badiredi le go ya tlase fale go basadi bale le dilo tšeo di hlobolago go yona mekgotha le dilo. Ke therešo.

143 Ke tsebile bjang Roma e dutše godimo ga dithaba tše šupago? Ke tsebile bjang mopapa o na le VICARIVS FILII DEI? Ke be ke swanetše go tšea lentšú la yo mongwe go yona. Ke tsebile bjang korone ya go hlatlagana ga raro e be e le godimo ga mopapa; taolo ya motlatši wa Legodimo le lefase le hele? Ke e tsebile bjang go fihla ke eya le go e bona?

144 Ke tsebile bjang go be go na le Modimo yo a phelago? E sego ka tlase ga thutamodimo ya yo mongwe, go amara go itšego ga bohlae bja lebaka la maikutlo le itšego leo le fetilego go kgabola lebaka le le fetilego, bjalo ka ge basedumelemodimo ba tla re botša. Eupša letšatši le lengwe, tlase kua, ke Mo hweditše le go bolela le Yena, sefahlego ka sefahlego. Seo se dirile dilo go fapana. Nnete tlwa.

145 Bomoya bo šoma ka “Tate, Morwa, le Moya wo Mokgethwa.” Ke eme mo kopanong fao baloi bale ba bego ba šoma. O se nagane gore ba ka se go hlohle. Ba eme fale. Ba fošeditše tafola godimo sebakabakeng, gomme ya phaphamala go dikologa; gomme katara e bapala. Ba eme fale, gomme ba be ba nyaka go nthakela ntle. Ke rile, “Le phošitše.” Gomme moya wa bolela morago go bona, moya o ipolelago go ba Modimo, o rile o be o le Modimo. Ke rile, “Ke phošo. Ke diabololo.”

Ba rile, “Monna yo ke mosedumele.”

146 Ke rile, “Ke mosedumele go selo se, gobane ga se sa Morena wa ka. Bjo ke boloi. Bjo ke bja diabololo.” Ke rile, “Bjale, fa ke leka Leina lela le maatla leo ke kolobeditšwego ka lona.” Ke rile, “Ka leina le ‘Magodimo a godimo,’ mpotše therešo.” Ebile ya se nkarabe. Ke rile, “Ka leina ka ‘Kereke ye kgethwa,’ mpotše therešo.” Ga se a nkarabe. Ke rile, “Ka leina la ‘Tate, Morwa, le Moya wo Mokgethwa,’ mpotše therešo.” Gomme a se nkarabe. Eupša, ke rile, “Ka Leina la ‘Jesu Kriste,’ mpotše therešo.”

147 O rile, “Ee. E fošagetše.” Modimo o a tseba ke therešo. Ee, mohlomphegi. Oo!

Tumelo go Tate, tumelo go Morwa  
 Tumelo go Moya wo Mokgethwa, ba bararo ba  
 ke Batee;  
 Bodiabololo ba tla thothomela, badiradibe  
 phafogang;  
 Tumelo go Morena Jesu e dira se sengwe le se  
 sengwe se šikinyege.

Ee, mohlomphegi. Ema ka Leina leo.

148 “O na le leina gore o a phela, eupša o hwile.” Šeo kereke ya lena. Šele e fale.

149 Theeletšang. Go na le mosadi o tee a dutšego. . . Go na le yo mokaone, ba go lebelelega botse, basadi ba babotse ba dutše ka kerekeng ye mosong wo. Basadi ba bafsa, basadi ba mengwaga ya magareng, basadi ba go tšofala, bohle ke ba bakaone. Ke mosadi wa yo mongwe, morwedi wa yo mongwe, moratiwa wa yo mongwe, le go ya pele. Ke bona, yo mongwe le yo mongwe. Go na le o tee Mdi. Branham o dutše fa. Ke lena, yo mongwe le yo mongwe, basadi. Eupša go na le yo motee Mdi. William Branham. Ke yena a yago gae le nna. Ke yena a lego moratiwa wa ka. Ke yena yo a godišago bana ba ka.

150 Go na le dikereke tše ntši tše kaone mo lefaseng lehono. Eupša go na le e tee Mdi. Jesu yeo e tšweletšago pele ba kgonthe, ba therešo, dibopša tša go tswalwa gape ke Modimo. Le tseba seo ke se rago, a ga le? Leina la gagwe ga se Methodist. Leina la gagwe ga se Baptist. Leina la gagwe ke Jesu, Mdi. Jesu. Kgonthe, ke Yena. O tliša pele batho, e sego maloko a kereke ya Methodist. Ga a tliše pele kereke ya Baptist, goba Presbyterian, goba Katoliki. O tliša pele bona, go tswalwa, le go mela medu le

go tsema go Jesu Kriste. Šole O fale. Ke Yena. Ke thabile bjang gore ke na le Yena. Ke yena Kereke ye e fihlagetšego. Ga a ne kereke ya leina e itšego. Ga a rwale selo sa maina a a magolo a botse a godimo le meago ye megolo. O kopana e ka ba bakae maloko a Mmele a bothanago mmogo. Ba rapela ka Moya le ka Therešo. Ba kgethetšwepele pele ga motheo wa lefase.

Lengwalo le letee gape, gomme ke a le tshepiša ke tlo tswalela. Gomme ke tla tlogela bontši bja yona go fihla bošegong bjo. Leo, o ka swara seo bošegong bjo, gona.

<sup>151</sup> A re yeng go Baefeso, feela motsotso. Go no bala Lengwalo le le letee, morago ke ya go e tlogela le lena. Re hwetša seo Beibele e boletšego bjale mabapi le se. Ke ya go tšea morutiši yo mogolo yo, Paulo, yoo e lego. . . . Ga se nke gwa ba le selo go swana le yena. O be a le moapostola go Kereke ya Bantle. Go lokile. Hwetšang Baefeso 1.

<sup>152</sup> Bjale re ya go tswalela, feela go motsotso. Theeletšang se, bagwera barategi ba ka. Theeletšang go Paulo a rera go Kereke ya mohuta wa go swana yeo ke lego, mosong wo.

*Paulo, moapostola wa Jesu Kriste ka thato ya . . . (kereke ya Presbyterian? Kereke eng?) . . . thato ya Modimo, go bakgethwa (bao ba kgethegilego) bao ba lego Efeso, . . .*

Bjale, elelwang, ba šwalalane lefase lohle godimo. Eupša, se ke sehlopha ka Efeso, a bolelago go sona. Bjale, ga a bolele le lefase. Ga a bolele le maloko a kereke ya gae. O lebišitše se go bao ba kgethegilego. A re bone.

*. . . le go batshepegi ka go Kriste Jesu:*

Re tsena bjang go Kriste Jesu? “Ka Moya o tee bohle re kolobeditšwe,” go phela botshepegi. O tseba bjang o hweditše Moya wo Mokgethwa? Re ya go tsena go seo mohlomongwe bošegong bjo. Le a bona? Go lokile.

*. . . go Kriste Jesu:*

*Mogau o be go lena, le khutšo, go tšwa go Modimo Tatagorena, le . . . Morena Jesu Kriste.*

*Go šegofala go be Modimo le Tate wa Morena wa rena Jesu Kriste, yo a re šegofaditšego ka tšohle ditšhegofatšo tša semoya ka mafelong a legodimong . . .*

<sup>153</sup> Le a tseba, ga go tšee bontši bja go goeletša. Ga go tšee bontši bja go golola. Yeo e lokile; ga go seo kgahlanong le yona. E lokile. Ga go tšee seo. Go tšea pe—pe pelo ye e ineetšego, e dutšego mafelong a Legodimong, e keteka ka dilo tša Moya. Gomme Moya o keteka ka eng, maikutlo? E sego ka go felelela. E tliša maikutlo. Le a bona? Eupša o ka se kgone. . . .

<sup>154</sup> Elelwang. Le elelwa pono mabapi le pula le korong, mphoka? Elelwang. Ge go hlokega pula, go na le mogomarelakgapana, o na

le hlogo ya gagwe e lekeletše tlase; korong e na le hlogo ya yona e lekeletše tlase. Ge pula e etla, bobedi bja tšona tša tabogela godimo le go goeletša. Pula ya go swana. “Eupša ka kenya ya tšona le tla di tseba.” Lebelelang.

*Mogau o be go lena, . . . go tšwa—go tšwa go Modimo tatagorena, . . .*

Bjale šetšang. “Go ya ka . . .” Temana ya 4 bjale.

*Go ya ka ge a re kgethile ka go yena . . .*

Go tsošetšo ya go feta? [Phuthego e re, “Aowa.”—Mor.] Huh? [“Aowa.”] Ge re e ba maloko a Baptist goba Meth- . . . ? Aowa. “A re kgethile,” pele ba ka ba le kopano. Ya.

*. . . pele ga motheo wa lefase, . . .*

O re kgethile thwi nako yeo. E se go, ga se ra Mo kgetha. O re kgethile. Le a bona? O re kgethile nako yeo pele ga motheo wa lefase.

*. . . gore re be ba bakgethwa . . .*

<sup>155</sup> Re bile ba bakgethwa bjang? E se go ka seo re se dirilego, eupša seo A re diretšego, gobane re ka se kgone go ba. O ka kgona bjang go dira kolobe kwana? Ngwanešu Roy, o godišitše dikolobe le dikwana, bobedi. O ka se kgone—o ka se kgone—o ka se kgone go di tswaka. Kolobe e no . . . e ya go dikologa fale le go ja mohuta wohle wa dilo a ka go kgona. O tla tšwela ntle go sethobolo sa manyora gomme a ja wa mpanapalega. Gabotse, ga o ikwele gampe ka seo. O nagana kolobe yela e no ba e lokile. E no ba kolobe ye botse. Ke ka moka. Eupša ga o bone kwana kgauswi fale. A ka se kgone go mo memela godimo go matena; a ka se tle. Aowa. Bothata ke eng? Gobane, ke yena kolobe. O ya go mmošša o phošitše. “Šegofatša Modimo, ke nna kolobe. O tšwelapele mafelong a gago mong. O ya tlase fale, e ba mopshikologi mokgethwa ge e ba o nyaka go ba.” Ke lena bao.

“Ge o rata lefase goba dilo tša lefase, lerato la Modimo ebile ga le go go wena,” go boletše Lentšu.

<sup>156</sup> Bjale, e se go ka gore ke tlogetše go ja manyora, go ntira go fapana le kolobe, le a bona, go ntirile ke se sa ba kolobe gape. Yeo ga se yona. Eupša ge tlhago ya ka e fetotšwe. “Oo, ba bea legora go dikologa, ke a thanka. Ba a thibela. Ga se ka swanela go dira se?” Oo, aowa. Ga o thibele selo go tloga go se. O no be o tswetšwe gape. Ke ka moka. O no be o fetotšwe. Yeo ke nnete.

<sup>157</sup> Eupša ge o be o ka tšea moya ka ntle ga kwana yela—yela le go o bea ka go kolobe; kwana yela e be e tla dira selo sa go swana. Kolobe e be e tla dira selo sa go swana moya wa kwana ka go yena o tla se dirago, gomme kwana yela e be e tla retologa morago thwi go dikologa le go dira selo sa go swana kolobe e se dirilego.

Bjale le a bona, lena dikolobe, le mo kae? Le a bona? Yeo ke nnete tlwa. Yeo ke nnete. Le a bona? Le ya pele ntle le go rata dilo tša lefase, go apara dišothi le go dira dilo tše tšohle. Eyang pele, go bontšha seo le lego.

<sup>158</sup> “Ka dikenywa tša bona le tla ba tseba. A motho o kgobela mago go tšwa go meotlwa?” Le a bona? Aowa, aowa. O goga mago go tšwa go mehlare ya mogo. O hwetša apola go tšwa go mohlare wa moapola. O hwetša meotlwa go tšwa mehlareng ya meotlwa. Yeo ke nnete.

Bjale, theetšang kgonthe ka sekgauswi bjale.

*A re kgethetšepele ka go go beng ga bana ka Jesu Kriste go yenamong, go ya ka ya gagwe mong, go ya gagwe kgahlego e botse ya thato ya gagwe—ya gagwe*

*A re kgethetšepele, go ditheto tša letago la gagwe la mogau wa gagwe, ka moo a šetšego a re dirile go amogelega mo go baratwa.*

<sup>159</sup> Ke mang a e dirilego? “Gobane ke tlogela go nwa? Gobane ke tlogela go kgoga?” Aowa. O e dirile. O ntirile, pele ga motheo wa lefase, go amogelega mo bogoneng bja mogau wa Gagwe. Ga go selo ke se dirilego. Ga se nke ka dira selo mabapi le yona. Ga se ke be le selo se tee go dira le yona.

Ke be ke le kolobe, le go thoma. Ke be ke le modiradibe, ke belegetšwe ka lapeng la ditagwa, ka godišetšwa mo go hlotlwago khatšha, ke dutše nkgong ya wisiki, ke gobogile. Yeo ke nnete. Rakhatšha wa Kentucky, ga se nke ka rwala para ya dieta go fihla ke le mošemane yo mogolo bogolo. Moriri o lekeletše fase ga molala wa ka, ke dutše godimo fale motomong wa khatšha, ke dira khatšha.

Efela, Moya wo Mokgethwa o tla go nna, ka bogolo bja mengwaga ye šupago, o rile, “O se kgwathe lerothi la yona. Gomme o se gereme le bona basetsana ba banyane ba kgale ntle fale. Gomme o se ke wa kgoga sekerete goba go sohla mosohlo wa motšoko.” Oo, nna! E be e le eng? Thato e botse ya Tate, pele ga motheo wa lefase, gore O be a tla nthoma go rera Ebangedi le go hlaha dinku tša Gagwe. Modimo a Mo šegofatše le, go ya go ile, Leina lela le legolo! Ke tla dula kgauswi le Beibele ya Gagwe, go nwelela goba go kgangwa, go tsebalega goba go sa tsebalege. Ge eba e ka ba mang o a nthata, goba aowa, ke tla thabiša Yena. Ke rata go dira seo se thabišago Yena.

<sup>160</sup> Ge Baptist e sa nkamogele, Methodist, Pentacostal, godimo ga tša bona “bohlatse bja mathomo, go bolela ka maleme, e le Moya wo Mokgethwa.” Leo ke lebaka e se rena Pentacostal. Ga re dumele gore go bolela ka maleme go go dira o tlatšwe ka Moya wo Mokgethwa, go no swana le ge re sa dumele go dula ka setaleng go go dira kolobe. Aowa, mohlomphegi. Go no swana le ge re sa dumele go dula ka—ka ntlong ya kgoši go tla go dira kgoši. Ga e

dire! O ka no ba o le mohlanka. Le a bona? O ka no ba o le eng kapa eng. Aowa, mohlomphegi.

<sup>161</sup> Re dumela gore o amogela Moya wo Mokgethwa ka boitemogelo, e sego ka go amara ga bohlae ga nonwane ya Mangwalo, eupša ka boitemogelo bjoo wena o nnoši o tsebago. Bjale, ge o nyaka go tseba ge e ba e be e le Moya wo Mokgethwa, šetša ka fao bophelo bja gago bo bapetšago ka morago ga seo. Go tla go botša ke mohuta ofe wa moya o tšilego ka go wena.

<sup>162</sup> O ka no bolela ka maleme gomme o ka no se. Eupša gobaneng Pentacostal e dirile selo sa go šiiša se bjalo ka seo? Swarang seo. Gobaneng Pentacostal e dira seo? Gobaneng? Ka gobane, kua mathomong, ge Modimo a thoma go bušetša morago kua, mengwaga ye masomenne ya go feta, go buša dimpho morago, yo mongwe a thoma go bolela ka maleme. Gomme go bolela ka maleme ke mpho ye nnyane, go ya ka thuto ya Paulo, ya sehlopha ka moka sa dimpho. “Ye nnyane ya dimpho tšohle, ke go bolela ka maleme.” Gomme ka bjakobjako ge ba e dirile, bohle ba ile ba thantshelwa gomme ba dirile kereke ya leina, gomme ba e bitša General Council, yeo e lego Assemblies of God.

<sup>163</sup> Bjale, ke boletše le ba bangwe ba banna ba bona ba bakaonekaone, baithutamodimo ba bona ba bakaonekaone, gomme ba re, “Ngwanešu Branham, o nepile. Eupša re ka dira eng bjale? Ge re ka rotoga godimo kgahlanong le yeo, re tla ragelwa ntle. Gomme kereke ya rena e tla nagana eng ka rena? Ge, re ba rutila mengwaga, re ba rutila mengwaga, gore, ‘Bohlatse bja Moya wo Mokgethwa ke go bolela ka maleme.’ Go ka reng ge re e fetola bjale?” Yeo ke thogako ya kereke ya leina.

Šegofatša Morena! Ga re na kereke ya leina. Feela bjalo ka ge Moya o re hlhla, re a O tšea.

Kolobetšo ya Moya wo Mokgethwa ke boitemogelo bja seng.

<sup>164</sup> Ke bone batho ba bolela ka maleme. Ke bone baloi le balotšana. Moromiwa yo mongwe le yo mongwe o tseba sa go swana, yo a kilego a šoma ka boloi le bodiabolo. Ke ba bone ba ema le go bolela ka maleme, le go fošetša lerole ka godimo ga bomorago bja dihlogo tša bona, le go itshega ka bobona ka legare, le go bolela ka maleme le go e hlatholla. Gomme o re woo ke Moya wo Mokgethwa? Ka kgonthe, ga se wona. Ke diabolo.

Jesu ga se nke a re, “Ka maleme a bona le tla ba tseba,” eupša, “Ka dikenywa tša bona le tla ba tseba.” Gomme Baefeso 5:1 e rile, gore, “Kenywa ya Moya ke lerato, lethabo, khutšo, kgotlelelano, bobotse, bonolo, kgotlelelo, boleta, tumelo, boitshwaro.” A yeo ke nnete? [Phuthego e re, “Amene.”—Mor.] Ke lena bao.

<sup>165</sup> Bjale, ge o le Momethodist, mohuta wola wa dikenywa o a go latela, gore ga o felafele pelo, ka gona go no lwa le ntšhi; ge o na le kgotlelelo, ka gore o na le lerato, gomme o iša felo ka yo mongwe le yo mongwe; ge lerato la gago la pele e le Kriste, la gago la bobedi ke motho ka wena, e ba wa boraro, tlase ka

mokgwa woo; ge e ba o eya pele, o na le kgotlelelano, bonolo, kgotlelelo, tumelo. “Nna,” o re, “Moya wa Morena o godimo ga ka. Gomme go na le phodišo Kgethwa. Moya wo Mokgethwa o a swana lehono.”

<sup>166</sup> Bjale, o re, “Ema motsotso. Ke rutilwe ka go church of Christ. Matšatši a mehlolo a fetile.” O na le diabololo. Yeo ke nnete.

O re, “Gabotse, re swanetše go kolobetšwa. Ka Beibeleng, ga go na selo se bjalo bjalo ka go kolobetšwa ka leina la ‘Tate, Morwa, Moya wo Mokgethwa.’ Ke a e bona gonabjale. E ka go Lengwalo. Ke Leina la Morena Jesu. Mogongwe le mogongwe, ke Leina la Morena Jesu.”

<sup>167</sup> “Ema motsotso, re tla go ragela ntle ga Assemblies.” O phema fase go seo, o na le moya wa maaka ka go wena. O theeditšwe thuto ya maaka, goba moprofeta wa maaka.

<sup>168</sup> Bjale, o no hwetša lefelo le letee fao ba kilego ba ke ba kolobetšwa, leina la “Tate, Morwa, Moya wo Mokgethwa,” gomme ke tla ineela godimo go wena. Ke tla go bontšha, lefelo le lengwe le le lengwe, ba kolobeditšwe ka Leina la Morena Jesu. Bjale, ke mang a rerešago, Assemblies goba Beibele?

<sup>169</sup> Ge o re, “Gabotse, ke fafaditšwe. Šegofatša Modimo, yeo e no ba e ntoketše bjalo. O no ba o se na thuto ye e lekanego. Ke a go botša, ba fafatše. Ke phapano efe e e dirago, go tšhela meetse godimo goba go e karabetša tlase?”

Ga ke tshwenyega seo e—seo e bonalago bjalo ka. Beibele e boletše go kolobetšwa. Gomme *kolobetša* go ra “go karabetšwa.”

O re, “Ke phapano efe e e dirago?”

<sup>170</sup> Gabotse, go ka reng ge nkabe—ge nkabe Modimo a boditše Moshe, “Rola dieta tša gago; o mo lefelong le le kgethwa”; Moshe o re, “Bjoo ke bothata bjo bontši. Ke tla no hlobola kefa ya ka; ke swanetše go bofolla dieta tša ka”? A e ka be e no se be gabotse bjalo? Aowa, mohlomphegi. Modimo o be a ka se tsoge a boletše le yena go fihla a rotše dieta tša gagwe. [Ngwanešu Branham o kokota mo phuluphithing makga a mane—Mor.]

Gomme Modimo a ka se tsoge a bolela le kereke go fihla e etla morago go dilo le metheo yeo Kriste a e beilego fase, gomme ga e dirwe kereke ya leina ke maikutlo a itšego goba kereke ya leina ye itšego go e gogela tsela *ye* le tsela *yela*. Ba tla swanela go bowa morago go dumeleng go mehlolo, go dumeleng go dika, go dumeleng go Moya wo Mokgethwa, go kolobetšwa ka Leina la Jesu Kriste, le dilo tše tšohle. Ba tla swanela go bowa morago go Seo, goba Modimo a ka se bolele le bona. Se ke nnete tlwa. Fao ke fa kereke e lego.

<sup>171</sup> Seo ke gobaneng re se dikereke tša maina. Seo ke tlwa gobaneng re se ba kereke ya leina.

Re dumela go Beibele. Gomme morago go na le dilo tše dintši Fale tšeo re sa di tsebe go; boati bja yona. Eupša, “Re eme go bulega, Morena Jesu. E no E utolla.”

Gomme re tla sepela Seetšeng, ke Seetša se sebotse,  
 Se tšwa fao marothodi a phoka ya mogau a tagilego;  
 Phadima gohle go re dikologa, ka letšatši le ka bošego,  
 Jesu, Seetša sa lefase.

E sego Methodist, Baptist, Presbyterian; eupša, Jesu, Seetša sa lefase.

Bohle lena bakgethwa ba Seetša kwalakwatšang,  
 Jesu, Seetša sa lefase;  
 Gona dipele tša Legodimo di tla lla,  
 Jesu, Seetša sa lefase.

Yo mongwe le yo mongwe, ka sebopego sa thapelo bjale.

Re tla sepela Seetšeng, sebots- . . . (E no e swarang motsotso, le a bona.)  
 Go tšwa fao marothodi a phoka ya mogau a tagilego;  
 Phadima gohle go re dikologa, ka letšatši le ka bošego,  
 Jesu, Seetša sa lefase.

<sup>172</sup> O ka se be kaone o be le Jesu le Lentšu la Gagwe, go feta go ba le kgopolo ye itšego ya kereke ya leina ka yona? Ke ba bakae bokaone ba ka bago le Jesu le Lentšu la Gagwe? [Phuthego e re, “Amene.”—Mor.]

Bjale, hwetša lefelo le letee ka fa fao Modimo a kilego a hlomamiša kereke ya leina. Hwetša lefelo le letee A kilego a bea moreri wa mosadi goba a hlomamiša o tee, mo Mangwalong. Hwetša lefelo le letee leo motho tsoko a kilego a fafatšwa goba a tšhelwa. Hwetša lefelo le letee leo e ka ba mang a kilego a kolobetšwa ka Leina la Jesu Kriste, e ka ba kae, ke se sengwe le se sengwe eupša Leina la Jesu Kriste; e sego “Tate, Morwa, Moya wo Mokgethwa.” Hwetša motho o tee a kilego a kolobetšwa ka leina la “Tate, Morwa, Moya wo Mokgethwa.” E tla go mpontšha. Kae, motho yo mongwe le yo mongwe o kolobeditšwe ka Leina la Jesu.

<sup>173</sup> Bjale re ya pele ka go dilo tše tebilego go feta se bjale. Bjale re ya ka go “bohlatse bja mathomo,” le go ya pele, le go no bona fao e lego.

Bjale, ge ba ruta kgahlanong le seo, ba ruta dilo tšeo di sego ka Beibeleng.

<sup>174</sup> Elelwang, ke le botšiša go lefelo le letee leo go kilego gwa ba le kereke ya leina. E no mpontšhang e tee. Gona yo mongwe



o fošitše. Ga ke botšiše go na le e tee *fa* le e tee godimo *fa*, mohlomongwe, ge ye tee ye nngwe e be e se yona. Ke a le bontšha. Mpontšheng lefelo le letee go kilego gwa ba le kereke ya leina, mengwaga ye makgolo a mararo ka morago ga lehu la moapostola wa mafelelo. Mpontšheng fao go na go kereke ya leina e tee ka ntle ga kereke ya Katoliki e e thoma. Mpontšheng lefelo le letee leo Beibele e sa ahlolego dikereke tša maina. Gona gobaneng le le kereke ya leina?

<sup>175</sup> Mpontšheng lefelo le letee, bjale, lefelo le letee, lefelo le letee fao motho yo itšego a kilego a fafatšwa, go tebalelo ya dibe tša bona. Ga ke re feela le letee *fa* le *fale*. Bjale mpontšheng lefelo le letee ka go Lengwalo ka moka. Mpontšheng lefelo le letee ka go Lengwalo ka moka fao e ka ba mang a kilego a tšhelwa, go tebalelo ya sebe tša bona. Mpontšheng lefelo le letee fao e ka ba mang a kilego a kolobetšwa ka leina la Je- . . . Tate, Morwa, Moya wo Mokgethwa. Feela lefelo le letee, motho o tee, fao motho o tee a kilego a kolobetšwa ka leina la “Tate, Morwa, Moya wo Mokgethwa.”

Mpontšheng lefelo le letee fao Modimo a kilego a bea moreri wa mosadi ka kerekeng, goba a rile go yena go ba. E mo kae?

Yeo ke tlhohlo ye kgolo. Eupša ke nyaka go hwetša potšišo ya lena, bjale, e dutše phuluphithing, e mpontšha fao se tee sa dilo tše se lego; bošgong bjo, ke tla kgopela tshwarelo. Ge e ba ga se yona, gona ge le se la kopana le dinyakwa tše, gona gobaneng le sa kopane le tšona? E tla o be o tee wa rena. Ke wena, golebjalo, ka kgonagalo.

<sup>176</sup> Ge leina la gago le le Pukung ya Bophelo ya Kwana, o tla sepela Seetšeng, o tla bona Seetša. Modimo o tla Se utolla, gomme le tla sepela ka go Sona. Yeo ke nnete tlwa. Le a bona?

<sup>177</sup> Bjale ke eng? Ga ke le iše morago go kereke. Ke le iša morago go Beibele. Bjale, Paulo o rile eng? Paulo o rile eng? “Ge morongwa go tšwa Legodimong a rera e ka ba eng gape ntle le Ye, a a be morogakwa.”

<sup>178</sup> Modimo o rile, “A ke lentšu la motho mang le mang e be maaka, eupša la Ka e be Therešo.” Kafao ga ke tshwenyege seo kereke e itšego e se bolelago, Pentacostal, Baptist, Presbyterian. Lentšu la Modimo ke Therešo. Gobaneng ba thomile se? Ka lebaka la dikereke tša maina.

<sup>179</sup> Pentacostal Assemblies of God, lehono, e ka neela e ka ba eng, thwi fase botlase bja tšona dipelo tša barutiši ba bagolo, ge nka be ba sa nka ba thoma thutotaelo yela ya “bohlatse bja mathomo: go bolela ka maleme.” Ba a tseba yeo ke phošo. E ka se sware meetse. Kgontho e ka se ke. Nka kgona go nefefatša go lena ka Beibele ya Modimo gore ga o amogele Moya wo Mokgethwa ka go bolela ka maleme. Ga e gona ka Fa. Oo, le nagana; ya, kgontho. E ngwadilwe kgauswi bjalo go fihla e fora bona Bakgethiwa. Le a bona?

“O e fihlile go tloga mahlong a ba bohla le ba tlaologanyo, gomme a e utolla go masea.” Ke kutollo ya semoya. O šetša kutollo e e betha, le go e šetša e e phadimiša ntle. Le a bona, ke lena bao. Le a bona? Sese selo le nyakago go se šetša, mogwera, le a bona, e gona.

<sup>180</sup> Re leboga Modimo ka Moya wo Mokgethwa Yo e lego Morutiši wa rena. Gomme ga A no ya ntle le go tšea kgopolo ye nngwe ye nnyane ya kgale ya nonwane, le go e tliša godimo fa le go re “Oo, haleluya! Se e fa, thwi, e ngwadilwe fa. Haleluya!” Moya wo Mokgethwa o ya morago le go go tliša tlase thwi go kgabola Lengwalo, o le bea thwi fase, thwi pele go kgabola Lengwalo. Le a bona? Ke ge o na le Therešo. Yeo ke tlwa. “Ka gore motheo o swanetše go ba godimo ga motheo godimo ga motheo, le mothaladi godimo ga mothaladi godimo ga mothaladi.” Yeo ke tsela Beibele e rilego e dirwe.

<sup>181</sup> Le re, “A o ahlola dikereke tša maina?” Aowa, mohlomphegi. “A o ahlola moreri wa basadi?” Aowa, mohlomphegi. “A o ahlola go bolela ka maleme?” Aowa, mohlomphegi. “A o ahlola batho ba ba ba kolobeditšwego ka leina la ‘Tate, Morwa, Moya wo Mokgethwa?’” Aowa, mohlomphegi. Aowa, mohlomphegi. Eupša, ke re, ge ba tseba bokaone bjale, Modimo o ba swara boikarabelo ge ba sa latele mo Seetšeng. O ka no ba o sa nka wa e tseba go fihla gonabjale, eupša o a e tseba go tloga bjale. Le a bona?

Bjale, ge le sa nagane E lokile, puruputšang Mangwalo. Gona hwetšang lefelo la lena, gomme le tle morago gomme le e bee godimo ga teske ye bošego bjo, re tla bona ge e ba e lokile goba aowa. Gona le ye go E puruputša, ka monagano o bulegilego, pelo ye e bulegilego.

<sup>182</sup> Bjale, yeo, bjale, ye thuto bjalo ka ye ke ya Tabarenekele ya Branham, le a bona, feela fa, feela thwi fa. Ga go na . . .

<sup>183</sup> Ke duma nkabe e se “Tabarenekele ya Branham.” Ke duma e ka be e no bitšwa “Tabarenekele,” ebile e se be le leina la ka go gomarelana le yona.

<sup>184</sup> Ke lokiša go fetolela kereke ye . . . Bohle le a tseba, ge re e reka, ke e rekile ge ke be ke šomela Khamphani ya Tirelo ya Setšhaba. Gomme gwa bewa selo se godimo fa, gomme ya no bitšwa seo gobane gore Ngwanešu Seward le bona ba kgorameditše leina la ka go yona ge ba e bea go tokelo ya bodulo tlase kua. Feela ka bjako bjo nka kgonago go phumula selo se seo re lego ka go sona bjale, kereke ye e ya go fetolelwa godimo go se, setšhaba, gomme e no fiwa; leina la ka le tlošwa go yona.

<sup>185</sup> Ga ke nagane leina la ka le swanetše go ba go kereke yela. Ga ya swanela go ba “Tabarenekele ya Branham.” Swanetše go no ba kereke, “Kereke ya Morena Jesu Kriste,” goba se sengwe go swana le seo. “Tabarenekele ya Morena,” le a bona, “Lefelo la bodulo,” “Ngwako wa thapelo,” goba selo se sengwe, se sengwe,

e filwe mohuta wo itšego wa leina. A nke phuthego e kgethe leina la bona. Leina la ka, ke no ba—ke no ba motho. Leina la ka ga le na maswanedi go ba go se, e sego bontši go se fete selo. Lebaka e ilego ya bea leina la ka go ye, gobane leina la ka le be le le go tokelo ya bodulo, ba rile, “Billy Branham.” Le a bona? Gomme ga la swanela go ba fao. Aowa, mohlomphegi. E swanetše go ba kereke ya setšhaba. Ye, ye e swanetše go ba go phu—phu phuthego fa.

<sup>186</sup> Gomme kereke ye e ikeme. Ga go na poto ya bahlokomelaphahlo goba matikone e ya go go le botša seo le ka go se dira. Kereke ye, ka bouto ka moka, e le botša seo le ka go se dira. Yeo ke nnete thwi, ge e ba go na le sephetho.

<sup>187</sup> Ge le sa rate modiša wa lena, gomme go na le batho ba babedi goba ba bararo ba hwetša se sengwe kgahlanong le modiša, ba ka se kgone go e tsoša godimo le matikone a bona, bahlokomelaphahlo, ba no ba go seo moofisiri a lego fa. Ba no ba le bouto e tee. Ke ka moka. Ge a le mothuša modiša, o no ba le bouto e tee. O no swana le moleloko yo a se nago ofisi yo a dutšego morago fale. Bouto ka moka ya kereke e fediša taba. Gomme yeo ke nnete. Yeo ke—yeo ke nnete. Ga go poto ya matikone e ntšhago modiša ntle, goba ga go modiša a ntšhago poto ya matikone ntle. Kereke e dira seo, ka go bouto ya kgobokano ya selo ka moka.

<sup>188</sup> E ikeme ka boyona. Ga re na dipišopo. Ga re na balebedi pharephare. Re na le Jesu. Amene! Ke yena Pišopo. Ke yena Molebedi Pharephare. Ke yena Hlogo Modiša. Ke yena Kgoši. Ke yena Morena. Ke yena Mofodiši. Ke yena Tšohle le Tšohle. Gomme re no ba re le balatedi ba Gagwe, re sepela Seetšeng. Amene.

<sup>189</sup> “Gomme O beile ba bangwe ka Kerekeng.” Eng? “Ka Kerekeng,” mo Mmeleng. “O beile ba bangwe ka gare fale.” Eng?

“Ba pele ke baapostola,” bao ke baromiwa. Re na le yo motee fa ka kerekeng bjale, mošemane yo monnyane o dutše morago fale, mogwera wa ka, ngwanešu, ke mmitša Creech Jefferies. Yeo ke ya pele, pitšo ya godimodimo, moromiwa. Le re, “Moapostola ke moromiwa?” Ka phethagalo. E yang go lebelela ka go pukuntšu gomme le hwetše seo *moapostola* e se rago; e ra, “yo a ronngwego.” E yang go lebelela, le seo *moromiwa* e se rago, “yo a ronngwego.” Selo sa go swana. Lenaneo la godimodimo ke moromiwa yo a sepelago mawatle go Morena Jesu. Ya godimo, “Ba pele ke baapostola.”

<sup>190</sup> “Ba bobedi, baprofeta.” Moprofeta ke eng? Mmoni. E se go yo a dirago ntle. . .

E sego moapostola yo a dirago nke ke yena moromiwa gomme a dula gae, eupša yo ka kgonthe a lego moromiwa.

Gomme moprofeta, mmoni.

<sup>191</sup> Baapostola, baprofeta, barutiši, baebangedi, badiša, seo ke se Mmele o bopilwego ka sona.

Ka go mmele wola wa gae, gona, go na le dimpho tše senyane tša semoya. Ye nngwe ya tšona ke bohlae, tsebo, phodišo Kgethwa, go bolela ka maleme, tlhathollo ya maleme, tšohle dimpho tše tša go fapana tšeo di lego ka go mmele wa gae.

Gomme baapostola ba, badiša, barutiši, le baebangedi, ba fa bohle go kgonthišiša gore, ka go dimpho tše, dilo tše di šoma gabotse. [Ngwanešu Branham o thwantšha monwana wa gagwe gatee—Mor.] Ge ba ka hwetša se sengwe sa maaka se tsupologela godimo, ka bjako ba a se ahlola, gobane ga se ye ka Lengwalo.

A nke yo mongwe a sepele godimo fa, a re, “Šegofatša Modimo, ke na le oli ka diatleng tša ka. Lebelelang *fa*. Le a tseba, ke—ke—ke dumela ke na le Moya wo Mokgethwa, gomme ke na le oli ka diatleng tša ka.”

<sup>192</sup> Le tla kwa yo mongwe a re, “Seo ga se Lengwalo.” Yeo ke nnete. “A nke re e tšee gomme re ye fa ka phapošing. A nke re puruputše Mangwalo go kgabola. Mpontšhe ka Mangwalong fao seo se lego, bohlatse bja Moya wo Mokgethwa.”

<sup>193</sup> Yo mongwe o rile, “Oo, ke boletše ka maleme. Ke O hweditše.”

“Mpontšhe ka Mangwalong bjoo ke bohlatse bja Moya wo Mokgethwa.” Yeo ke nnete.

<sup>194</sup> “Oo, Morena o mpleteditše go rera,” go bolela mosadi tsoko.

“Mpontšhe ka Mangwalong o dirile seo.” Ya.

<sup>195</sup> “Oo, ke a tseba Morena o mpoditše. O ntšhegofaditše bošego bjola ka go kolobetšwa ka leina la ‘Tate, Morwa, Moya wo Mokgethwa.’”

“Mpontšhe ka Lengwalong fao o swanetšego go dira seo.”

<sup>196</sup> “Gabotse, ke no ba ke lokile bjalo ka mang le mang gape, gomme ke nna Momethodist, goba Mobaptist, goba Mopresbyterian. Ke nna Mopentacostal.”

“Mpontšhe ka Mangwalong fao Modimo a boletšego seo.” Le a bona? Yeo ke nnete. Ga e gona.

<sup>197</sup> Bjale, go na le tlhohlo ye e bulegilego go phatlalala go lena maloko a tabarenekele ye. Go na le tlhohlo ye e bulegilego go phatlalala. Bjale, ge le hwetša selo se tee seo le naganago seo ke phošo, seo ke se boletšego mosong wo, selo se tee seo se lego kgahlanong le Lengwalo, le tlamegile wa mošomo go bea seo mo phuluphithing ye mantšiboeng a. Yeo ke nnete. Le se tliša le go se bea fa. Mpontšheng Lengwalo, temana ka Beibeleng fao gore go bile le kereke ya leina, gore Jesu o dirile kereke ya leina, goba se itšego sa dilo tše tšeo ke di rutilego. Fao A kilego a hlomamiša le go bea mosadi ka kerekeng, bjalo ka moreri; fao A kilego a

hlomamiša go fafatša, go tšhela; goba—goba se sengwe sa mehuta yela ke boletšego ka yona. Se beeng fa.

Gona, bošegong bjo, re ya ka gare, ge Morena a rata, go “kolobetšo ya Moya wo Mokgethwa,” le ka go “peu ya sephente, le ya mosadi.” Go lokile. Morena a le šegofatše. Ke ba bakae ba kwago gabotse?

Oo, ke ikwa nke nka hlabela pele,  
Oo, ke ikwa nke nka hlabela pele;

Bjale opelang yeo ka kgonthe ga bose go Morena.

Legae la legodimong le a phadima le bobotse,  
Gomme ke ikwa nke nka hlabela pele.

Oo, ke ikwa nke nka hlabela, ka hlabela pele,  
Oo, ke ikwa nke nka hlabela, ka hlabela pele;  
Legae la ka la Legodimong le a phadima le  
bobotse,  
Ke ikwa nke nka hlabela pele.

[Ga go selo go theipi—Mor.]

<sup>198</sup> Bjale, go bile le selo se tee ge e sa le ke e ba nakong ye ya go khutša go dibeke tše di se mmalwa, ke hweditše, seo e bilego bothata ka nna. Gomme ke nyaka go ipolela bjale go kereke. Ke dutše morago ka morago ga mehlare yela ya moouko le mohikori, tlase fa ke bala, “Ke kae ke dirilego phošo ya ka ya mathomo? Ke eng e ntirilego go foša? E bile eng?” Le a tseba seo ke hweditšego seo se ntirago phošo? Go na le selo se bjalo bjalo ka go ya ka kua ga poto ka se sengwe. A le tsebile seo? O ka leka go ba gabotse gohle, le go leka go loka, gomme nako yeo o ka loka ka kudu. Gomme ke no dumelela batho go nkgorometša go dikologa. Le a bona?

Ba tla re, “Gabotse, Ngwanešu Branham, o tla godimo fa. Morena o mpoeditše go go botša se.”

“Gabotse, go lokile, ngwanešu, ke nna yo ke etla.”

“Oo, Ngwanešu Branham, o se ke wa ya godimo *fale*, godimo *fa*.”

<sup>199</sup> “Gabotse, mohlomongwe bokaone ke se ye fale.” Le a bona? Gomme ga o tsebe o dire eng. Seo ke se se ntirago wa go tšhoga.

Ke ya fao Morena a ntlahlelago go ya, gomme ga ke tshwenyege seo yo mongwe a se bolelago mabapi le yona. Le a bona? Yeo ke nnete tlwa. Kafao, nka se gobatše maikutlo.

<sup>200</sup> Gomme gona ke lemogile selo se segwe. Bana ba ka godimo fale ba fetogile sehlopha sa ditsenwa, ba goeletša bošego, le se sengwe le se sengwe, batho ba kgatelelana ka gare le ka ntle ga ntlo fale, dinako tšohle, batho ba etla go tšwa mogongwe le mogongwe. Ga ke sole batho go tšwa go seo, batho ba go babja. Eupša re na le seo ka moka se beakantšwe.

Gomme fa mo kerekeng, ge ke etla go swara kopano, gobaneng, ke swanetše go nyaka go ngwegela ntle, go tšwa ka ntle ga kereke, gobane batho ba no swarelela godimo, gomme se le *sela*. Ke lapile bjang, gomme dinako še dingwe go tšwa ntle ga tirelo ya phodišo, gomme ga ke ka kgonthe go loka go bona, ke re . . .

“O re, Ngwanešu Branham, Morena o rile . . .”

“Ya. Ge re etla godimo fa, go ya . . .” Seo ga sa loka. Ga se ka swanela go dira seo. Ga ra swanela go dira seo.

<sup>201</sup> Bjale re dirile dipeakanyo go hlokomela seo. Gomme bjale, e no elelwang, mang kapa mang a nyakago . . . Ke nyaka go bona yo mongwe le yo mongwe. Gomme ke nyaka go ba le nako, le go bolela le batho. Ka tsela ye, o ka se kgone. O na le yo mongwe ka fale, gomme, selo sa pele o a tseba, nako ya gago ka moka e ile go yo motee, gomme—gomme ga o hwetše go bona yo mongwe yola. Gomme seo ga sa loka. Batho ba tla go tšwa ditsela tše telele, feela go ba le mantšu a se makae le wena. Gomme ge Modimo a—a file batho bale tumelo yela go nna, go dumela sela, ba swanetšwe ke nako ye nnyane go ka rutwa. Ga se o swanele go no ba gomiša kgole, o re, “Aowa, ga ke bone motho.” Yeo ga se ya loka. Gobane, ke tšhoga go e dira, gobane . . .

Yo mongwe o a tla le go re, “Bjale, Morena o a mpotša, Ngwanešu Branham, gore o swanetše go dira *se itšego, se itšego* selo. Ye ke—ye ke thato ya Morena bjale.” Morena o tla mpotša thato ya Gagwe. Le a bona?

<sup>202</sup> Mna. King, ke ba bakae ba elelwago R. A. King, o be a fela a etla fa, o be a le tlase fa? O rile . . . ke be ke aga sekepe godimo fale, nako ye y nngwe. O rile, “Bjale, Ngwanešu Branham, o aga sekepe seo go ya ka dinyakwa tša gago mong.”

<sup>203</sup> O rile, “Ke be ke aga . . . Goba, monna tsoko o be a aga sekepe nako ye nngwe, gomme mothaka a tla mmogo, o rile, ‘O swanetše go sega dikota tše ka tsela *ye*.’ Gabotse, o lekile ka tsela yeo. Yo mongwe o rile, ‘Oo, o swanetše go e dira ka tsela *ye*, se sengwe le se sengwe, di—di dikgopo le se sengwe le se sengwe. Sekepe se swanetše go ba ka tsela *ye*, gomme bora bo swanetše go ba ka tsela *ye*, gomme hlogo, le kutu, le ma—ma mafego.’”

<sup>204</sup> Gomme o rile, “Se be se le selo sa go bogega go befa seo o ka tsogego wa se bona, ge a feditše go dira.” O rile, “O ile a no tšea sekepe gomme a se rwalela morago ka mafuri. Gomme a thoma ntle ka saga ya gagwe, a itshegela ye nngwe gape.”

<sup>205</sup> O rile, “Yo mongwe o tlile a feta a re, ‘O re, *ye* ke tsela o swanetšego go se aga.’ O rile, ‘Sela se sengwe, se agilwe ka ditaelo tša ba bangwe, se ntle ka mafuri. Ke aga se sengwe se go ya ka tsela ke naganago se swanetše go agwa.’” Yeo ke nnete.

<sup>206</sup> Bjale, Modimo, ge A nyaka ke dira se sengwe, O tla mpotša ke dire eng. Ge o nagana gore ke phošo go seo ke se dirago, goba

e ka ba eng go swana le seo, eya go nthapelela, gore Modimo nkotlollele ntle. Le a bona? Gobane nka se kgone go theeletša ba bantši kudu.

207 Bjale, lena fa mohlomongwe ka kerekeng, le no ya go theeletša mohlomongwe motho o tee goba ba babedi, eupša fa ke ya ka gare ga masome a diketekete. Nka kgona go e dira bjang? Gona ke rile, “Pele ke dira motho yo itšego karabo, ke ya go dula fase le go badišiša godimo ga yona thwi, go bona ke tsela efe Moya wo Mokgethwa o hlahlago. Gona ke ya go botša yena goba yena, e ka ba eng e lego, gomme seo ke sephetho sa ka. Ke tla gomarela go sona. Yeo ke nnete, ka dula thwi fale.”

208 Bjale, dipotšišonyakišišo di lokišitšwe. Mang kapa mang yo a nyakago go mpona, ka phethagalo go lokile, ge o ka leletša BUTler 2-1519. E no lebelela ka go pukutšhupetšo ya mogala gomme hwetša William Branham, BUTler 2-1519, dipeakanyo di tla dirwa go dipotšišonyakišišo. [Nomoro ya mogala e fetošitšwe—Mor.] E tla bewa fase, feela nako tlwa le lefelo go e dira. Gomme nka kopana le motho yo mongwe le yo mongwe, ka bonana le bona, ka ba thuša ka mathata a bona le dilo. Eupša nka se no ya ka gare le go dula letšatši le yo motee, gomme diiri tše nne goba tše tlhano le yo motee *yo*, gomme letšatši la go latela ka lahlegelwa ke selo ka moka. Re na le nako ye ntši *bjalo*. Re ba kgopela seo ba se nyakago, gomme le bontši bjo bokae bja nako, le go e tliša tlase thwi. Gomme re bona motho yo mongwe le yo mongwe. Re na le seo.

209 Gomme monna yo a arabago mogala e tla ba Mna. Mercier fa, goba Mna. Goad, ba dutše thwi fale. Gomme ba tla lokiša seo thwi pukung ya ka, tlwa, go dipotšišonyakišišo, gomme ke tla bona motho yo mongwe le yo mongwe.

210 Ge ele taba ya go ikgetha, ge e le nakong ya tirelo ya thapelo bjale, go balwetši, tlišang balwetši ba lena le batlaišwa ka gare gomme le ba dire ba theetšeng bošego goba a mabadi, bjale. Re tla ba rapelela ge e le ditaba tša tšhoganetšo.

211 Eupša gona, ka morago e ka ba mašego a mmalwa, ke nyaka go thoma ka go bodiredi bja ka bjo boswa, gomme ke nyaka go ba tšeela morago fa ka phapošing ye. Ka gobane, le tseba pono. Ke ba bakae ba elelwago pono? Kgonthe, le a dira. Ya tente ye nnyane ka phapošing.

212 Bjale, ke ya go tšea Meda ka gare le nna, mo bošegong bja mathomo, ka lebaka la go romela basadi ka gare. Gomme morago ge e . . . Go bona ka fao e šomago feela le yena ka gare fale. Gomme gona ge e sa šome gabotse, ka tsela yeo, gona ke tla retologa go dikologa le go romela basadi ba babedi ka gare ka nako, go tliša basadi ba babedi ka nako e tee, gobane ba tla ka go lefelo leo go no bago monna. Le a bona? Gomme seo, kgonthe, re na le menagano ya go hlweka. Eupša diabololo ga a na le ona

ntle fale, le a bona, kafao seo a ka se naganago mabapi le yona, le a bona, le seo lefase le tla go se bolela.

Eupša ke bodiredi bjoo nka se kgonego go bo tsebagatša phatlalatša. Ga go yo a ka tsogego a menaganya se. Le a bona? Aowa, mohlomphegi. Aowa. Ke a tseba e thwi mo go hlakanyeng bjale. Nka no kgona go lebelela go no swana le go obeletša ntle fale le go tšea go e swara. E dutše thwi fale.


<sup>213</sup> Bošego bja go feta ke be ke lora feela pele ke tsoga mosong wo, Ngwanešu Neville. Ke—ke be ke lora toro. Gomme ke naganne bodiredi . . . Ga ke tsebe seo ke bego ke se dira. Eupša, e ka ba eng se bilego, oo, o bolela ka dilo tše di diregago, ga se nke ka bona se bjalo. Ke phafogile ke no lla, ke tumiša. Ke phasotše mosadi wa ka sefahlegong ka seatla sa ka, ka tsela *yela*—ka tsela *yela*, ke no tumiša Modimo, ke robetše fale.

Oo, ke—ke no tseba gore go na le se sengwe thwi fa se no lokela go obeletša godimo le go se swara. E ya go ba se segologolo go feta se kile sa ba gona. E ya go ba sa go makatša. Ke dumela Modimo o lokišetša go dira se sengwe se segolo. Eupša bjale re swanetše go se batamela ka monagano o fodilego, ka bohlae, gomme thwi ka go Lentšu la Modimo. Therešo. Oo, re a Mo rata.

<sup>214</sup> Bjale elelwang, ge e ka ba ofe wa bagwera ba lena goba e ka ba mang a nyakago go mpona le go nyaka go bolela le nna ka se sengwe se se nnyane seo e lego sephiri, a nke ba leletše BUTler 2-1519 gomme go tla ba le potšišonyakišišo e beakanywago ntle mo lefelong. [Nomoro ya mogala e fetošitšwe.—Mor.] Nka se kgone go ba le bona go dikologa ntlo godimo fale, le go dikologa tabarenekele fa, gobane o tla ka gare fa . . .

Ke rera thari ka kgonthe. Gomme ke dula fa, gobane ga ke na le lena gantši kudu. Gomme ke no le swarelela botelele bjo nka go kgona, go tliša Lentšu le lengwe le le lengwe ka gare. Ka gobane, bagwera, ye ke nako e nnoši yeo re ka tsogego ra ya go ba le yona go dira se. Se sohle se ya go fela, gabotse ka bjako. Re ya thwi pele tlase moeding, thwi pele tlase. Lebelelang go bona bao ba sepetšego ge e sa le ngwaga wa go feta, bao ba bilego fa. Le a bona? Kafao re ya go ya tlase moeding. Re swanetše go dira se bjale. Se se swanetše go dirwa bjale. Gomme, bjale, leo ke lebaka ke le swarelela.

<sup>215</sup> Le re, “Gabotse, seo, go ka reng ka Lengwalo go seo?”

Ya, Paulo o rerile bošego bjohle, bošego bjo bongwe. Gomme monna a wela ntle ga moago, a ipolaya yenamong. Ke ba bakae ba tsebago seo? Botelele bošego bjohle! Paulo o ile ka kua gomme o beile mmele wa gagwe godimo ka godimo ga gagwe, a mo kgoma, pelo ya gagwe ya thoma go rethetha le pelo ya mothaka yola, o rile, “Aowa, o . . .” [Ga go selo go theipi—Mor.] 



*KOLOBETŠO YA MOYA WO MOKGETHWA* NST58-0928M  
(The Baptism Of The Holy Spirit)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Setemere 28, 1958, mo Branham Taberenaके ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)